

詩學研究社編

中華民國詩三百首

林森題



中華民國詩三百首序

孔子之詔小子也，則曰：「何莫學夫詩。」其于庭訓也，則曰「不學詩無以言。」朱子之言詩也，則曰：「修身齊家治國平天下之道，其亦不待他求而得之于此。」是以唐虞之際，以詩言志，賡歌喜起，明良之盛，後世莫及；迨至姬周，郁郁乎文，上自郊廟朝廷，下逮鄉黨閭巷，歌謠興賦，協之聲律，用之邦國，以化天下；至於列國之詩，則天子巡狩，亦必陳而觀之，以行黜陟之典；詩之時用大矣哉。以迄漢唐，詩體演進，格律森嚴，遂定爲五言七言，聲韻對偶，皆有定律，而詩乃佔文學史中重要地位。卽今之泰西學者，如泰戈爾鄧南遮莎士比亞輩，亦無不以詩鳴於時，而爲世界人士所推崇也。中華民國成立歷三十年，詩家輩出，或酬酢以爲賓榮，或吐納而成身文，或謳歌以見山川風俗民情，蔚爲當代文獻，惜無彙集選本，以爲當世詩學津梁。諸同人有鑒於此，爰集名著數千首，詳加研究，幾經切磋琢磨，選成三百餘首，分編爲五古，七古，五律，七律，五絕，七絕，六卷，又附選詞歌，以殿其後；計著作名家九十有餘，其於聲韻，對偶，格律，詞章，意義，無不精益求精，密益加密；可興可觀，莫逾于此。傳述子革對楚靈王曰：「昔周穆王欲肆其心，祭公謀父作祈招之詩，以止王心；臣問其詩而不知，若問遠也；其焉能知之。」是知讀現代之詩，實較讀曠代之詩及其他文學爲尤要；中庸云：「譬如行遠必自邇。」故孔門言詩，起自周南，所謂四始，皆始于周；若遠如葛天樂辭，黃帝雲門，堯有大唐之歌，舜有南風之詩，皆不刪訂在三百篇內，意在斯乎。余以爲中華民國人，應先誦中華民國詩。是詩集卅載之大成，萃一代之精英，梓行問世；蓋亦盡野人獻曝之忱云爾。

中華民國三十年季夏之月編者序於詩學研究社

編輯大意

一．本詩仿唐詩三百首編制，分爲六卷；卷一，五言古詩。卷二，七言古詩。卷三，五言律詩。卷四，七言律詩。卷五，五言絕句，卷六，七言絕句。

二．本詩於上述六卷外，加以附卷，選編詞曲。

三．本詩多選與時事有關及慶弔贈和之作，可參考作酬世應用，所謂『歌也有思，哭也有懷』。較諸無故呻吟玩弄，大有進益。

四．詩詞排列之先後，以著作時間之先後爲序。

五．彙集中華民國詩，三十餘年來名作，由本社研究審核，選擇公決編入，始爲初稿。復分別輪流覆核，會同研究公決，纔爲定稿，凡律詩絕句，對於平仄對仗韻脚措詞，均極注意，務求完善，較勝於唐詩三百首。

六．詩中用典，擇其罕見者，加以註釋，普通者不註，作家初見者註明略歷，再見者不註。

中華民國詩三百首目錄

卷一 五古

詩題	作者	頁數
江村獨處 <small>二首</small>	胡漢民	一
雨後曉行	樊增祥	二
雙濤園讀書 <small>五首</small>	梁啓超	三
從南岳祠登吸雲嶺	王闔運	四
從南天門宿上封寺	王闔運	四
三峽	鄒魯	五
檢衣	張謇	八
峨嵋山	鄒魯	九
祝童潔泉先生七十壽	顏惠慶	一〇
夏口行	章炳麟	一〇
夏夜對月	樊增祥	一一

中華民國詩三百首

目錄

和東坡三通詩 <small>三首</small>	樊增祥	一二
曉起中庭閒散	樊增祥	一三
擬晉司馬彪秋蓬詩	蔣智由	一三
梅花	蔣智由	一四
閱操	易順鼎	一四
今別離	黃公度	一五
擬曹子建雜詩 <small>九首</small>	王闔運	一六
奉答章行嚴和作	王用賓	一八
壽洪友人先生七秩	王用賓	一九
重九縉雲山登高詩會	王用賓	二三
壽許祕書長六十	王用賓	二三
黃花岡七十二烈士十 周紀念	沈儀彬	二四

806020

瀑布追憶

徐謙 二五

中山大學農場啖荔枝

鄒魯 二六

祝薩上將八十壽

張才斌 二七

抗戰

童杭時 二八

卷二 七古

昭陵石馬歌

于右任 二九

安廬

徐謙 三〇

讀外子書安廬額

沈儀彬 三一

遊錫蘭圓塔

康有為 三一

邀羣賢修禊萬生園

梁啓超 三二

宇治川口

蔣智由 三三

朝雨

蔣智由 三四

同仲彝子珍過越縵堂飲

樊增祥 三四

秋夜同索生煮茶

樊增祥 三五

沈石田山水畫幀

樊增祥 三六

詩中八賢歌選錄其四

梁啓超 三七

春游曲

王闓運 三七

茶靡落

王闓運 三八

書贈枕谿參議

彭養光 三八

春花

王用賓 三九

醒世歌

吳佩孚 四〇

蜀農讚

梁寒操 四一

重陽前三日高邱台登高王用賓

王用賓 四二

贈童枕谿院長

張才斌 四四

遊濟南趵突泉

陳庸公 四四

月夜歌聲

童翌初 四五

老將軍行

張震西 四七

輓徐季龍先生

陸費逵 五〇

題龍安佛寺卅週紀念

陳庸公 五一

酬羅斯福總統

楊 圻 五二

題棠梨館圖

許紹棣 五三

日本末日曲

余重耀 五四

頌唐內兄六秩榮慶

謝冠生 五五

卷三 五律

大同三首

康有爲 五七

惜誦

康有爲 五七

屢出

張 謇 五八

西湖荷

蔡元培 五八

西湖柳

蔡元培 五九

望月寄內子

徐 謙 五九

山居卽事

徐 謙 五九

登南高峯

宋教仁 六〇

晚發漢口寄漢元

宋教仁 六〇

寄子尊篋

蔣智由 六〇

湯河原

蔣智由 六一

暮雨

王闔運 六一

月夜二首

王闔運 六一

出門

王闔運 六二

姑塘夜雨

陳三立 六二

感懷

嚴 復 六二

舟出朝鮮灣

于右任 六三

和張予听華嚴夫婦元韻

王用賓 六三

登獨秀峯

鄒 魯 六三

遊馬來亞天南洞

陳庸公 六四

新製布衣

樊增祥 六四

宿魚網洪

樊增祥 六四

登寶通寺塔

樊增祥

六五

思故鄉

易順鼎

六五

尋山

徐謙

六五

中秋懷社英

沈儀彬

六六

春景

童翌初

六六

清溪道中

呂志伊

六六

元夜宿鮎魚塘

呂志伊

六七

洪山看梅

童杭時

六七

和洪山看梅

薩鎮冰

六七

春山勝事二首

童杭時

六八

贈友

徐謙

六八

贈邵力子

章士釗

六八

遊三遊洞

鄒魯

六九

祝太戈爾八秩壽

陳立夫

六九

重九

蔡語邨

六九

應省吾寄廬春暉孺慕圖

童杭時

七〇

祝余太夫人七秩壽二首

童杭時

七〇

溪邊觀瀑

童翌初

七一

言詩

張才斌

七一

題公達萬里封侯册二首

柳亞子

七一

夢見國父

童杭時

七二

祝馮自由先生六秩

童杭時

七二

城樓晚眺

顧頡頌

七二

卷四 七律

弔劉道一烈士

孫文

七三

其二

黃興

七三

輓吳彥復

張謇

七四

登千佛山

湯壽潛

七四

在楚同艦適卅九生辰
 和譚石屏作元韻
 二年元旦祝民國日報
 遊墳藏作
 贈胡淵如
 祝童潔泉先生七秩
 佳期
 蠲饑
 天道
 同漁父作
 詠孫菊仙
 西湖桃源嶺小隱
 贈黃公度
 題東歐女豪傑

黃興 七四
 黃興 七五
 黃興 七五
 居正 七五
 嚴復 七六
 孫文 七六
 于右任 七七
 于右任 七七
 于右任 七七
 于右任 七八
 于右任 七八
 童杭時 七八
 陳三立 七九
 梁啓超 七九

詠松 章炳麟 七九
 題黃花岡 蔡公時 八〇
 感遇 馬君武 八〇
 久雨試晴 張琴 八〇
 和鄧孟碩祭橋陵作 馮自由 八一
 和陳蓼楚丁丑除夕 馮自由 八一
 先室陳夫人逝世十週_晉 王用賓 八二
 詠茉莉 蔡元培 八二
 祝陳庸公六秩壽 童杭時 八三
 重慶 鄒魯 八三
 和鄒魯重慶詩_{二首} 童杭時等 八四
 弔雷參議員卜葬 童杭時 八四
 視察閩西歸詠 童杭時 八五
 和童院長視察歸詠_{七首} 鄭祖蔭等 八六

宜川道中

于右任

八七

祝孫庸齋與夫人百齡

王用賓

八七

芍藥

王用賓

八八

祝許靜仁六十壽

徐謙

八八

關陵

鄒魯

八九

中秋夜登樓有感

沈儀彬

八九

洪山聽松

童杭時

九〇

詩言志

童杭時

九〇

圍棋勝敵

韓錦霞

九一

答章孤桐贈

王用賓

九一

祝薩上將八秩壽

童杭時

九一

壽翁銅士七十

徐謙

九二

中秋夜登黃鶴樓望月

俞鳳韶

九二

六十生日書懷

俞鳳韶

九二

養疴香島有感

馮自由

九三

雨後晚行

呂志伊

九三

贈童院長六首

張琴等

九四

鄉心新歲切

張才斌

九六

悼亡

童杭時

九六

賀弟新年生兒

童杭時

九六

抗戰八詠

褚輔成

九七

浦城左遷甯洋二首

林超塵

九七

避暑牯嶺釣魚

林森

九八

祝李贊侯六秩

許世英

九八

其二

張一麐

九九

慰勞前方將士

鄧青陽

九九

祝王儒堂先生六十壽

童杭時

一〇〇

雨香府君百歲冥壽二首

童杭時

一〇〇

催赴陪都就新職
對於萱甫院長去思
悼蔡子民先生
哀失戀
悵望南陵
遷居九龍洗衣街
民國卅年元旦感懷
夢後感懷四首
戰場佳話四首
感賦
贈羅斯福總統
回杭遊湖
移兵殖邊
奉答伍受真

林超塵 一〇〇
張才斌 一〇一
童杭時 一〇一
郁達夫 一〇二
邵力子 一〇二
童杭時 一〇二
童杭時 一〇三
童杭時 一〇三
田西原 一〇四
陳仿林 一〇六
童杭時 一〇六
童杭時 一〇七
童杭時 一〇七
章士釗 一〇七

書感
弔王魯璠
登西湖望湖樓
和登望湖樓
卷五 五絕
岫雲
岩泉
潼關
綠珠
待曉將別
經史
詩畫
遊西湖飛來峯
子夜遊歌

章士釗 一〇七
沈鴻烈 一〇八
李春樓 一〇八
童杭時 一〇八
蔡元培 一〇九
蔡元培 一〇九
樊增祥 一〇九
嚴復 一一〇
王闓運 一一〇
夏同龢 一一〇
夏同龢 一一〇
謝持 一一一
張魯泉 一一一

海行

張善與 一一二

戲題小孤山

陳庸公 一一二

淵明歸田

童杭時 一一二

小樓夜聽春雨

童杭時 一一二

出洞庭湖浮澧入江

王闓運 一一二

漢口舟夜聞雨

王闓運 一一三

代薄命二首

王闓運 一一三

采蓮歌六首

何 諷 一一三

出國赴歐

蔣方震 一一四

菲律賓濱古城

陳庸公 一一四

新歲思故鄉

韓錦霞 一一四

歸隱湖上二首

童杭時 一一四

西湖孤山放鶴亭

姜卿雲 一一四

卷六 七絕

平安館寄衣至滬

張 謇 一一五

象島破佛座

康有為 一一五

遊錫蘭那釐利

康有為 一一五

阻女友從其出奔

梁啓超 一一六

遊上海劉園見白蓮孤
開二首

嚴 復 一一六

題林烈士奎遺詩

黃 興 一一六

題昌化石篋二首

張 謇 一一七

贈藤澤南岳

張 謇 一一七

鏡裏流光

蔣智由 一一七

瀟湘懷屈賈

蔣智由 一一八

中秋無月

張錫鑾 一一八

柳浪聞鶯

湯壽潛 一一八

西湖泛舟

康有為 一一九

題嘉陵驛

易順鼎 一一九

冬日山行八首

詠蘭

詠桃李

和童枕谿詠桃李

詠紅桃花早開

和詠紅桃花早開

頌童枕谿院長德政

題張大千畫幅

宿也是園

秋風感懷

題青芝老人山莊

酬題青芝山莊

祝周顯庭六十壽

哀國難二首

樊增祥 二一九

徐謙 二二〇

童杭時 二二〇

薩鎮冰 二二一

童杭時 二二一

林鼎章 二二三

陳保焯等 二二三

徐謙 二二三

楊杏佛 二二三

蔡元培 二二三

童杭時 二二四

林森 二二四

童杭時 二二四

童杭時 二二五

步哀國難原韻

其二

誕辰感懷

贈陳雄夫監察使

王夫人逝世十周紀念

賀姚君與龍女士結婚

石堡寨

武侯祠

論汪精衛

霞飛閣寄懷

遊杭州西湖

後園晚步

偶興

莫斯科雜詩

吳奉璋 二二五

劉德業 二二五

劉春霖 二二五

童杭時 二二六

童杭時 二二六

童杭時 二二七

鄒魯 二二七

鄒魯 二二八

薩鎮冰 二二八

鄧青陽 二二八

江庸 二二八

陳三立 二二九

吳昌碩 二二九

于右任 二二九

詠三原斗口巷老屋

于右任 一二九

漢口洪水有感

許世英 一三〇

泛舟玄武湖

張昭漢 一三〇

題廣東文物展覽特刊

徐謙 一三〇

賀俞畏三韓亦凡弄璋喜

童杭時 一三一

贈陳步高別四首

童杭時 一三一

遷居九龍山林道

童杭時 一三一

和童枕谿先生遷居山林道

林超塵 一三二

贈杜月笙先生

張震西 一三三

贈李主席漢魂

梁寒操 一三三

贈張長官發奎

梁寒操 一三三

贈余副長官漢謀

梁寒操 一三三

贈林師長廷華

梁寒操 一三三

贈李伯豪主席五首

楊圻 一三四

次童萱甫院長詠桃花

陳庸公 一三四

送家父返杭

童翌初 一三五

次許公武祝于右任生
日元韻

王用賓 一三五

書張默君正氣呼天詩後

王用賓 一三五

去思

林贊烈 一三六

輓徐季龍先生

童杭時 一三六

戰場佳話二首

譚異之 一三六

贈民初世兄

陳庸公 一三七

抗戰勝利

童杭時 一三七

歸隱西湖

姜卿雲 一三七

七十漫述

居正 一三七

贈余綏靖主任

童杭時 一三八

贈姜督察專員

童杭時 一三八

登西湖望湖樓感懷

顧鼎梅 一三八

詩詞內倘有錯字看後正誤表

一四九

中華民國詩三百首卷一

五言古詩

江村獨處 二首

胡漢民

字展堂，廣東人，原籍浙江，曾任廣東都督，臨時大總統府祕書長，軍政府交通部長，中央政治會議主席，代理大元帥府大元帥，中華民國立法院長，著有不匱室詩。

洗盡蠶塵濁，江邊水色清；
通幽多曲徑，閉戶讀書精；
酌酒月爲伴，遨遊影隨行；
談天花解語，惜別柳多情。

紅杏花含笑，村邊風日清；
栩栩蝴蝶舞，喃喃燕語聲；
釣雪衣箴笠，枕月聽蛙鳴；
沙明魚爲戲，歌唱有流鶯。


『註』月爲伴

李白月下獨酌詩：「栩栩然蝴蝶也。」言飛動貌。
柳宗元江雪詩：「孤舟蓑笠翁，獨釣寒江雪。」
曹幽春暮詩：

「青草池塘獨聽蛙。」

雨後曉行入荊州作

中華民國詩三百首 卷一 五古



樊增祥

字嘉父，號雲門，別號樊山，清翰林，任江寧布政司，民國任參政院參政，工詩詞，善書法，有詩集，詞集，文集，政書，判牘等行世。

雨止天氣佳，平明躡江步；清霜在豐草，往往溼行屨；危堞已東峙，連峯尚西僭；始歷趁晴沙，稍深畏寒淤；西門多官柳，交枝蔭廣路；落葉下寒潭，攀條泣芳樹；林端初出日，原隰猶沮洳；陽鳥一迴薄，蒸雲作狂絮；高林忽奪翠，平疇浩積素；蓬蓬入太虛，千尺若連布；雖微膚寸功，豈乏游衍趣；汲汲吾何求，悠悠此行露。

「註」陽鳥

謂日也，梁簡文帝詩，「迴扇避陽鳥。」

行露

詩經，行露篇：「厭浥行露，豈不夙夜。」

雙濤園讀書 五首

梁啓超

字卓如，號任公，廣東新會人，曾任司法部總長，兩廣都參謀，著有飲冰室文集，崇集彙編。

秋風忽已至，我書亦可讀；欣然展青紉，古色媚幽獨；山空蟬自語，雨過松如沐；一往懷古情，浩蕩不可掬；執卷就螢照，相將入深竹。

「註」青紉

書卷衣也。

時俗幸相棄，得與古人親；委懷千載上，緬焉發清新；冥思雜微吟，所向如有神；道喪亦已久，吾衰難再陳；忽若有所會，遙遙望白雲。

『註』親古人

讀書是尙友古人。

我生大不幸，弱冠竊時名；諸學涉其樊，至竟無一成；說食安得飽，酌蠡甯窮溟；乃知求己學，先聖勵吾生；忽顧驚中歲，永夜起屏營。

『註』酌蠡

蠡，匏瓢也漢書東方朔傳：「以蠡測海。」

有友湯夫子，好學乃過我；華鬢漸刊落，抱一志已果；析理窮漸茫，陳義輒印可；昨夜攜酒來，松梢一月墮；不知霜露深，藉草三更坐。

『註』抱一

猶言守其一也，老子「少則得，多則惑，是以聖人抱一，爲天下式。」

印可

謂印證許可也，維摩經：「佛所印可」

回風吹海水，軒然起層瀾；吾生良有涯，憂患日以繁；生才爲世用，豈得長自閑；何時覩澄清，一濟民生艱；強學可終身，羈泊非所歎。

『註』羈泊

謂羈旅漂泊也，李商隱詩：「淒涼寶劍篇，羈泊欲窮年。」

從南岳祠登吸雲嶺

王闓運

字玉秋，湖南湘潭人，清翰林院檢討，民國國史館館長，別號湘綺老人，著有湘軍志，湘綺樓全集等書。

天根蟠軫虛，坤紀壯炎服；鴻濛融朱光，高深闕神屋；雲觀在冥杳，下視但蒼綠；渾淪自太古，厓巒盡奔伏；風危人益高，日夕氣相逐；儻爲蘇門嘯，恐驚龍湫谷。

從南天門宿上封寺

王闓運

清肅闕幽厓，噴薄激泉根；沈沈積石寒，暖暖殘陽昏；下方涼雨頽，上界晴雲奔；高天覆圓蓋，黛色盡烟痕；飛鳥隨我前，相與叩石門；置身六合外，息影南斗垣。

三峽

鄒魯

字海濱，廣東人，工詩文，追隨國父革命，任衆議院議員，廣東鹽運使，財政部次長，中山大學校長，中國國民黨中央委員大會主席團主席。

三峽奇天下，夙昔夢寐之；不意有此行，敢辭紀以詩；舟從宜昌發，起看

月如眉；曉星在天閃，微風向我吹；行行兩山逼，方始出晨曦；兩山夾水走，水流若競騎；一至西陵峽，灘多難以測；險惡數三珠，石亂如布棋；上有大石牛，下有黃陵祠；水流旋且急，舟簸行遲遲；前行有虎頭，兩山南北持；再進爲鹿角，醜石激流馳；鍋籠瀨洞子，江心斜斜支；上下羊背灘，昔險今爲夷；崕嶺橫巨石，小石復遙迤；兩山摩天峙，中有肝肺垂；空舸方得渡，名遂以此遺；舟過天爲陰，水湍風悲鳴；黃牛山峻拔，白狗峽形欹；當中有新灘，形勢最巉崎；亂石肆突出，冬春堪獻欹；武侯兵書峽，何處藏書爲；香溪名由著，生長有明妃；鋸齒與金盤，石門在其楣；大石橫江出，四季舟難維；屈原三泡急，蓮花三漩威；一進烏牛口，歸州見城池；昭烈昔蹉跎，至今人猶思；上溯人鮓甕，石梁九道披；前進至洩灘，床枕石參差；母豬灘一過，直至官渡涯；已入巫峽界，山勢益奇離；水流復屈曲，石怪若瘤疵；暢行至腹裏，江面水難羈；再上布袋口，楚蜀境分歧；紫雲宮斜過，道士觀前迤；小磨大磨後，山若列旌旗；巫山十二峯，赫然現英姿；連綿而突兀，斜正勢相依；峭聳愁猿鳥，幻怪變蛟螭；

蕭森寫巫峽，杜老真能詞；霸王杵未險，老鼠水灣洄；莫畏跳石阻，且渡
筮望隈；直至巫山縣，神話實多資；陽台山高處，神女祠所基；爲雲復爲
雨，多少世人癡，舟泊陽台下，入夢終依稀；次晨舟再發，山峽又重鰲；
下馬三纜子，龍寶升子匡；一一都經過，瞿塘峽相隨；瞿塘峽諸灘，其境
悉屬夔；夔峽初進口，窄窄度岩扉；天梯雖有路，鳥獸跡亦稀；始則山高
曲，繼則壁周圍；上流開展處，灑灑堆險巖；山有白帝城，昭烈托孤兒；
積有八陣圖，武侯却雄師；夔府在山半，孤城難臥治；戰爭自古今，興廢
愴情懷；至此三峽盡，大觀歎若斯；嗟哉奇山水，每與險附麗；三峽兩山
夾，森立若班排；齒牙勢相錯，大小石纍纍；江底堆石塊，江岸橫石磯；
水在其中流，沖激見時時；激湍成跳鼠，沖波如奔騅；三峽長千里，更易
肆封姨；簸蕩勢洶湧，號鳴如吼獅；峽水真幻譎，問誰與等衰；西陵峽山
怪，巫峽峽山危；瞿塘峽山峻，三峽無平陂；萬山重重裹，四望盡崔巍；
有斜復有正，其高復有卑；有形有男女，更有似虎貔；或爲旗爲戟，或爲
籬爲箕；千奇與百怪，難狀堪嗟咨；峭則如刀切，高則插天疑；斜峯橫側

嶺，幻妙出常規；處處有岩洞，常常有烟炊；田園在山上，民勤菜麥肥；山石成五色，畫筆何淋漓；山石多不毛，有樹亦瘠羸；山間生草處，紅綠柔如肌；時有小懸流，水復鳴嘶嘶；山壁懸繫路，勝天人功施；間有塔點綴，風景益增宜；峽石激水成，怪狀難比其；有縐如老叟，有裂如神龜；有枯如朽木，有鋒如利錐；有則岸然立，有則聚成堆；有則肖花果，有則狀亭臺；若欲拜奇石，當不勝胼胝；我舟在峽行，舟行岸不移；倏而前路，倏而後無塗；仰視山爲悚，俯視水長嘻；灘急水鳴處；每每神愴而，此行天若逐；雲霧悉一麾，千山復萬水；日看莫知疲，爲山添顏色，朝曦與夕暉；爲水增活潑，魚躍與鳶飛；馬羊少畜牧，雞犬時遊嬉；漁網掛村落，舟楫聲啞呀；不聞猿啼岸，但見鳥從嶋；誰云蜀道難，暢觀豁心脾；足跡縱遲到，山靈莫相譏；峽山峙萬古，峽水流無期；山水悠悠處，有我與之偕；爲詩刻山水，天地洩神奇。

『註』封姨

謂風神也，博異志：唐處士崔元微夜與封家十八姨共飲，諸女住苑中，時東風簷地，折樹飛沙，而苑中繁花不動，乃知封家十八姨，風神也。

檢衣

張 謇

字季直，江蘇南通人，清狀元，不仕，在籍辦實業，著有成效，聲名藉甚，民國成立，任實業部總長。

北風動庭樹，落葉浩如雪。游子身覺單，檢衣輒嗚咽。游子還家時，襦袴垢且裂。垢者忽已澣，裂者忽已綴。澣斯復綴斯，不聞慈母說。游子計出門，終歲常十七，還家慈母劬，出門慈母憊。念茲心孔傷，淚下不可掇。游子眼中淚，慈母心上血。

峨眉山

鄒 魯

我嘗登泰山，天下爲之小；峨眉望崑崙，眼界殊浩浩；又嘗登衡岳，天南一柱表；峨眉峙西方，峻拔真奇矯；我登九華山，廟宇覺不少；峨眉多佛跡，舉世來祈禱；我登匡廬山，碧眼經營早；峨眉隱天壤，不求古人曉；我會住黃山，歎羨形浩渺；孰知有峨眉，與之鬪奇巧；峨眉溯開創，屈指手數道；黃帝問天皇，洞今留九老；七十二洞天，仙跡難悉討；自從佛法

來，道教遂全掃；隱逸如接輿，早已爲壓倒；詩人李白流，往事亦俱杳；
滿山視普賢，餘跡均不保；明燈朝菩薩，佛光抑何昭；洗象留有池，佛現
見奇鳥；山有羅漢樹，樹生普賢草；山水與岩洞，因佛生文藻；佛因多奇
緣，山亦自美好；高者撐青天，醜者狀山獠；蜿蜒若龍游，窈窕如女姣；
危岩兼絕壁，險阻心爲擣；百怪與千奇，悉入此懷抱；雲氣長往來，變化
無時了；忽祇見半山，山頂爲雲絞；忽覺山爲裂，白雲如絲嫋；忽然現雲
海，高峯成孤島；忽然雲日映，山色增皎皛；風雨不時來，倏然易濕燥；
此山以秀名，草木無枯槁；不羨木參天，不羨花娥媼；却羨綠陰濃，狀成
山如嬌；密密護路旁，行人免心操；處處有懸流，奇石隨路遶；橋橫如長
虹，古塔因山標；我來正中秋，月色分外皎；大地諸河山，四望一目瞭；
天若迎遠客，往來不逢潦；夜來偶洒雨，洗盡塵俗繚；觀日復觀月，燦爛
現七寶，聽風更聽濤，秋聲在樹杪；行行穿危徑，白雲時裊裊；懸崖且觀
瀑，水勢何森森；陶然別一天，此間則軒嶧；猿鳥雖殷招，岩洞難遍考；
此行得已多，興盡將頭掉；歸途遇詩僧，贈答留鴻爪；賸有未了緣，再來

眼福飽。

祝董潔泉先生七秩壽

潔泉先生，
浙東嶧縣人。

顏惠慶

字駿人，江蘇人曾任外交總長，
國務總理，駐美大使，駐俄大使。

剡谿如畫圖，

剡谿水名，流貫浙東嶧縣，
沿谿有畫崗清風嶺諸名山。

清風嶺秀媚；王槐花四照，謝屐穿山翠；

公年屆古稀，急公兼好義；二子俱名流，學優擅法治；明德有達人，才華自名世；萊綵齊騰歡，階前盈蘭桂；椿庭多祥陰，棗蓼輝門第；歌賡九如章，頌引千秋歲。

『註』二子

長杭時參議院議員，憲法起草委員，大元帥府參議，中國國民黨浙主盟人。
幼濟時大理院庭長兼代大理院院長前同盟會中革命健者。

夏口行

章炳麟

字枚叔號太炎浙江餘杭人，清季任時務，昌言等報主筆，排滿
獲禍下獄。民國釋放，反袁稱帝，又拘禁，著有章氏叢書。

夏口何迢迢，南國之紀綱；中有二猛士，威毅瞻殊荒；力能斬地脈，智能

分天章；不念同胞苦，好自相扶將；鬥鷄一尋衅，骨肉還相戕；稱兵犯莫府，五戰皆夷傷；行行各分陌，千里不相望；遠視尙角目，焉知弟與兄；朔風忽陵厲，白露能爲霜；赤松旣云遠，誰能無他腸；良言不見聽，思之淚沾裳。

「註」天章

蘇軾，潮州韓文公廟碑記：「手扶雲漢分天章。」謂公以手扶開雲漢，分爲天之章。

白露

詩經，「蒹葭蒼蒼，白露爲霜。」

夏夜對月

樊增祥

山深尠炎暑，五夜謝羅衣；庭隅敷坐席，明月來遲遲；涼風入庭柯，花影爲參差；恍疑階除間，卽是苕藻池；仰視銀漢星，布若篋中碁；十歲丹州兒，發語鈍如椎；不解雲東流，謂是月西馳；眼前無睚生，聊復解我頤。

和東坡三適詩用原韻

樊增祥

旦起理髮

四鼓珥貂蟬，往朝明光宮；嗟彼貴人頭，甯知有甘松；且起沐髮已，坐晞柳下風；侍人進象櫛，百結皆疏通；江南解散髻，裹掠勿怱怱；好簪花三朶，不罩紗一重；如藥師刷馬，剪拂尾與鬢；更愛玉搔頭，功與烏爪同；時時自爬剔，麻姑良易逢；寄語武安侯，長儒非禿翁。

午窗坐睡

吾愛頭著枕，美於印懸肘；晴日可一窗，春愁竟何有；榕榔既消食，華池燕且久；茶聲猶在耳，書卷未離手；幾局岳老棋，一鐘徐覲酒；睡鄉信寬閒，靜者故多壽；借問導師誰，宰予真不朽；吏人前白事，朦朧拒勿受；此心了無着，悠悠忘淨垢；少焉蝴蝶甦，還復爲莊叟。

『註』莊叟

卽莊生，名周，著有莊子書，唐李商隱詩：「莊生曉夢迷蝴蝶。」

夜臥濯足

朝困吉莫靴，夜納青綾綯；絺巾時洗濯，庶免皴瘃憂；銅瓶吟松風，清若黃鸝鷗；注水浴斛中，楮師鞵不留；到窗月悄悄，垂簾風颼颼；洞庭在咫尺

尺，笑以雙鳧投；偃僂就程燭，微寒添臂茀；盡祛重膈疾，暖氣蒸浮浮；
刮以金剪刀，頓令重趼瘳；更剪桑林爪，細逾刻棘猴。

〔註〕

皴 皴同皴。
皮拆裂也。

瘳

晉琢，
足病也。

鷓鴣

鳥名，少
美長醜。

重趼

足行久，
生硬皮也。

偃僂

背曲也，歐陽
修醉翁亭記：

「偃僂提攜，

往來不絕者。」

曉起中庭閒散

樊增祥

庭前四株槐，風葉自軒舉；綠草散清曉，初陽媚晴宇；漸迷乳鵲巢，若有
新蟬語；溼翠沾人衣，知是夜來雨；薔薇一兩窠，疏紅相媚嫵；一奴持竹
帚，掃淨花下土；眷此久凭欄，角巾澹相佇；還復理瓶笙，芳茶白於乳。

〔註〕

媚嫵 元好問詩：「妍花紅
粉妝，意態工媚嫵。」

擬晉司馬彪秋蓬詩

蔣智由

字觀雲，浙江諸暨人，工詩文，淵博高雅，與湯壽潛，蔡元培，
章炳麟，爲民國開國時四大文學家，飲冰室詩話極推崇蔣詩。

飛蓬自蕭蕭，天風自烈烈；飛蓬與天風，何忍忽相值；蓬亦無時休，風亦無時息；可憐無根柢，邈然向六合。

『註』根柢

言樹木之根也，柢音抵，說文儲注；「華葉之根曰蒂，樹之根曰柢。」

梅花

蔣智由

窮冬凋萬木，破寒梅先發；如當守舊時，犯難陳新說；陽春忽以至，四野生光澤；灼灼桃李花，青青楊柳色；造物豈不仁，四運遞回斡；玄冥氣方驕，句芒已回轍；洒然六合間，和風動閭闔；及茲散凜威，吾與物俱樂；既樂亦太息，俯仰思夙昔；數枝早梅花，假蹇鬥冰雪。

『註』句茫

禮月令，「孟春之月，其神句茫。」

閱操

易順鼎

字實甫，湖南漢壽縣人，曾任廣東欽廉道，才思橫溢，少有神童之目，從學王壬秋，與樊山齊名，民初言詩者，多稱樊易，著有詞集詩集經史雜著等書。

萬耳如一耳，萬目如一目；萬手如一手，萬足如一足；已得十八九，不憊四五六。我尚有至訣，更願諸君讀；萬心如一心，萬腹如一腹。

今別離

黃公度

飲冰室詩話，評黃公
爲近世詩界三傑之冠。

別腸轉如輪，一刻幾萬周。眼前雙輪馳，益增心中憂。古亦有山川，古亦有車舟。車舟載離別，行止猶自由。今日舟與車，併力生離愁。明知須臾景，不須稍綢繆。鐘聲一及時，頃刻不少留。雖有萬鈞柁，動如繞指柔。豈無打頭風，亦不畏石尤。送者未及返，君在天盡頭。望影倏不見，烟波杳悠悠。去矣一何速，歸與留滯不。所願君歸時，快乘輕氣球。

擬曹子建雜詩 九首

王闔運

明月照高樓

春風入晨林，愁思方無端；悲來命清瑟，歎響激樺軒；良期曠三載，迴路

阻且艱；君子勞遠役，使妾長孤閒；芳籬隔江芷，蔓草秀中園；會合儻有時，容華難久觀，願因浮雲逝，萬里致君前；不惜自媒苦，恐君心未然。

西北有織婦

瑤臺有佚女，繡服耀明璫；長年學機杼，終歲不成章；蘭朝坐馳驅，急景怨飛光；長歎空房中，引領望遐方；通達猶難進，今也限關梁；將附鴻鵠翼，一舉見圓方；安見瓊樹枝，含華委路旁。

微陰翳陽景

朝霧蔽光輝，微炎不自升；修葛蔽雲嶂，宿莽抽高陵；凜凜途上士，獨處苦懷冰；始見麥苗秀，俄睹堅霜凝；欲歸忘故塗，將士歎青蠅；躑躅高臺下，潸然涕霑膺。

攔衣出中閨

閒居感春心，出戶望所思；和風何悠悠，朝露潤堂階；嘉樹藹陽辰，百鳥盡南飛；歡會結中情，還顧悵有違；皋蘭不長芳，鸚鵡使我衰；征役無時暇，江漢日已微；往古多榮遇，君行獨忘歸；浮萍戀清源，葛藟施條枚；

舊誓何可常，根本願不虧；永望終令德，以副夙昔懷。

南國有佳人

瀟湘有佳人，皎若明月光；夕隨飛雲逝，朝從順風翔；容媚世所榮，蘭華恥自芳；負此窈窕質，徙倚愧中腸。

高臺多悲風

驚風厲危關，海氣暗重關；中洲萬里途，歲暮何時還；孤舟易傾沈，持楫苦未嫻；誰知孤鴻羽，雲漢正飄颻；願垂扶搖翼，振予滄波間，白日翳塵土，邈然失所攀。

轉蓬離本根

桓桓鳥別生，東西自游敷；甯知巖霜厲，趣我出蓬蒿；如彼山上松，斤斧構擗巢；裁爲承露枝，從此遂孤高；延陵亦被裘，顏子樂簞瓢；已矣何所慕，行行局吾步。

僕夫早嚴駕

撫劍懷壯士，命駕出西城；荆蜀多榛梗，吳會安得甯；願登泰山頂，騁望

皇路平；淮河何湯湯，良馬向我鳴；惜哉無良御，倏忽崦嵫傾；誰云還歸樂，願得鑿我誠。

飛觀百餘尺

峒峒四望樓，表裏見山河；長風吹四野，平原忽嵯峨；烈士無甯居，愚者樂苦多；中國盡征屯，江海正揚波；獨懷耿介略，清夜起商歌；亮節出奇響，豈敢復嘆嗟。

『註』鴝鳩 杜鵑，文選張衡思玄賦：「鴝鳩鳴而不芳。」

扶搖 莊子逍遙遊：「搏扶搖而直上者，一九萬里。」

窈窕 幽閒之意，詩經：「窈窕淑女君子好逑。」

崦嵫 山名，在甘肅天水縣西，離騷：「崦嵫而忽迫。」

奉答章孤桐和作

字行嚴，湖南人，曾任參議院議員，軍政府祕書長，司法部總長。

王用賓

字太荊，山西人，曾任參議院議員，立法院委員，考選委員會委員長，司法行政部長，公務員懲戒委員會會長。

連雨天未霽，秋深將卒歲；亂世礙良辰，容愁酒莫替；糜爛滿中原，回思容無地；平昔已腐心，又見茱萸繫；風景縱不殊，新亭隕清淚；戮力竟何

爲，河山默自誓；今年不出門，明年門亦閉；固哉長沙公，不期同一志；
要割吳山青，先捲巴峽翠；萬里一江通，朝發望夕至；何日馭樓船，犀角
建高勢，幽抱負澄清，慨然孰攬轡；和我雅集詩，晴絲盪孤詣；欲報寡瓊
音，忽遇高常侍；寄聲別長篇，醞藉有餘意；含章乃可貞，奔放斷所忌；
河水下崑崙，浩瀚安可制；壺口接三門，束阨更激厲；沙石挾黃泥，一瀉
不平氣；孰復似瀟湘，曲暢無壅蔽，九面轉衡嶽，片帆識趨避，逶迤兩千
里，原時何藻麗；弭節向中流，吟思自平易；地脈使之然，疾徐能無異；
排鼻與婉約，古今難一致；文情境所生，習久痂成嗜；器識貴橫通，拘虛
太湫隘；四海徧游蹤，江河詎能界；蓄道闇日彰，任氣動違戾；詞近而旨
遠，比興挾奧義；三百蔽一言，刪述奉厥戒。

壽洪友人先生七十

司法部洪陸東
次長之尊人。

王用賓

夏有東西序，虞有上下庠；殷周在膠學，四代皆明王；燕響縱殊禮，醕爵
並饋醬，漢興復古制，文帝賜米漿；永平幸辟雍，頒詔給祿養；三老與五

更，在國或在鄉；歲時致帛酒，存問無遺忘；唐初開元禮，儀式尙精詳；
五孝與六順，格言宣大綱；朝廷宴父老，衣緋帔以黃，八九十歲者，授版
加寵章；嗣後夷亂夏，祖典數不遑；國家輕孝弟，民族失綱常；前代重養
老，固蘄壽而康；匪僅養氣體，乞言法德行；教孝兼教弟，引年寓意良；
夷虜昧倫理，民彝漸微茫；泯焚各自大，風氣日菲涼；近代慕歐美，陌路
視爹娘；誰復知尚齒，告朔餼無羊；禮失求諸野，流俗有遺芳；不見履道
里，九老會洛陽；不見資勝院，耆英共建堂；不見真率會，繼軌司馬光；
歷朝士大夫，往往互酬唱；浩歌惜日短，吉語祝嘏長；此風未歇絕，春酒
飲鄉鄰；誰云介壽篇，不合名山藏；而况蒙大難，奚以固迹防；民族出家
族，長幼分頡頏；華胄皆兄弟，海宇盡蕭牆；欽年與尊德；一念何包荒；
小之人強弱，大之國存亡；審知吾黨義，忠孝作肝腸；持此預家國，福壽
乃無疆；卓哉洪先生，天性何爽朗；受書通大義，乘興惟孤賞；投筆欲從
戎，遠遊限有方；醫國事不就，活人願可償；隱遯韓伯休，瀟灑陶元亮，
謀醉千金盡，庇寒萬廈廣；世稱隱君子，人在羲皇上；大德得其壽，斯言

洵不爽，今年二月朔，七十於國杖；瞿鑠羨此翁，顧盼猶奮揚；盤馬可奪稍，志氣如少壯；假非養泰和，遽能神暢旺；先生真壽者，故無人我相；卽此當不朽，期頤安足尙；分屬子弟列，禮應晉桓鬯；敢無天保歌，爲頌如陵岡；我聞黃岩縣，下臨溪水蒼；仙石從西注，委羽向南翔；每有仙侶遊，控鶴墜翮響；直北望六潭，晦庵會搜訪；著書小樊山，遺跡猶可想；先生儒而仙，母乃由地望；規行復矩步，心境則超曠；地靈人更傑，鍾毓儻非罔；我聞仲春吉，草木漸蘇暢；唐置中和節，地天互舒昶；百蟄始萌動，萬花競開放；囊爲獻生遺，酒爲宜春釀；克承清淑氣，乃產樂全丈；將隨造物遊，每與俗塵抗；天時配人和，盛事堪圖狀；我聞洪忠宣，奇節頗自獎，初爲甯海簿，蠲稅千百帑；桃竹並荷花，連理徵瑞象，建堂紀三瑞，交翠亭相向；通問使金虜，誓死道不枉；被留十五年，符印抱無恙；三子俱詞科，王事各鞅掌；早卜門閭大，忠孝報不誑；先生豈苗裔，差池無銖兩；陸東少司寇，奉職致忠讜；仲季皆從政，言動協貞諒；玉樹雜芝蘭，庭際滿馨香；義方雖多訓，積善降百祥；視彼洪光弼，先後美同彰；

衣冠盡南渡，時勢尤相仿；寇讎未全雪，家慶敢辱況；獻鳩及仲春，貳膳有典常；國儉示之禮，原不重鋪張；巴山橫書案；縉嶺堆隱囊；吹水成濁膠，倒江作巨觥；宏仁及孤獨，推福徧殘傷；願一切有情，泥爛醉千場；提攜登聖域，苦厄引慈航；應呼洪佛子，爲祝壽無量。

重九縉雲山登高詩會

以王摩詰憶山東
弟兄七絕分韻。

王用賓

憶昔上匡廬，五老何嶽崎；山麓東林寺，湫隘見雉基；法性復誰論，千載流清徽；武功宋不競，飲江痛佛狸；三梁九疊屏，一抹歸荒墮；嘉陵古西漢，縉嶺俯江湄；九峯盪霄漢，萬木交榦枝；朝嵐鬱宿靄，雲海偶呈奇；香爐蓮花峯，名目更交暉；直是西廬山，或曰小峨眉；結廬傍東麓，爽氣動簾帷；我非匡君裕，後世安得知；巍巍崇教寺，賜額改相思；迦葉舊道場，應化石跡遺；太虛今遠公，海內尊大師，開社闡教理，漢藏挾其微；緇流百二十，儒道亦歸依；劉周雷次宗，建誓被加持；

謂張李陶
諸居士。

傳燈照幽

隱，示慧啓文辭；庚辰秋九月，高會約佳期，禪伯兼詩伯，風采震一時，
列坐小峯頂；一吼威於獅，齊參最上乘，藐焉萬象低，擊鉢鬥險韻，方外
補逸詩；不至爲逋負，吟債猶苦追；赴闕參大慶，北南轍兩岐；咫尺成千
里，事願適相違；前載崇因寺，折簡曾分貽，靈山誤勝會，今昨覺俱非，
潮音湧慧海，蓮舌燦天池；法岸應非遠，虛舟曠難維，豈真謝康樂，心雜
故止之，加行日精進，緣熟容俟機，成佛有先後，大度須勇爲；濁世沉苦
海，衆生盡瘡痍；抽身固自娛，艱鉅寄託誰；安得大願船，一舉天下移；
甯不戀雲壑，甯不慕幽棲；蹙蹙瞻四方，滿目獨愴悽；寄身游眺客，登高
莫忘危。

壽許祕書長六十

考試院許祕書長，
名崇灝，字公武。

王用賓

與公同甲子，未曉何月始；丈夫有自來，豈漫張弧矢；適於無意中，正辭
徵祝史；盛哉龍華會，光香照覽揆；金粟是後身，惠思降仙第；公概洵不
凡，文武質兼美；文能壓山川，武能摩壁壘；建國憶初元，警備司郊峙；

保障里江介，畿輔鞏如砥，怱怱數十年，邁往一彈指；年事日以長，文思日以綺；著作將等身，清麗今孰比，梗枘不虛生，藏休映有俟；文運自天開，六星爛黃紫；精氣應貴相，書史勞綜理，十載備辛勤，馳驅感知已；士苟不遇時，長揖歸田里；遇不盡其用，聞筑苦癢技；磬磬出衆才，際遇差可喜；南極照中台，勳名共仰止；窮達兩無心，大隱在朝市；國厄值三空，流離徧瑣尾；磨楯草檄文，儒將公分裏，矍鑠馬上翁，奮揚殿前李；壯業集暮年，可復悲肉腴；七尺苦吟軀，本是金剛體，不朽自有二，造詣超生死；免俗尙未能，薦言崇德齒；萬登巴郡山，一碧岷江水，願公壽與詩，終古長滄峙。

黃花岡七十二烈士十周紀念有感

沈儀彬

浙江紹興女士，工詩善畫，爲徐季龍部長夫人，季龍講學撰文，多賴其贊助。

漢族久沉淪，胡虜日猖獗；傾國奉彼昏，吾民疲供給；粵東聚志士，憂憤中心結；豈云畏險艱，國恥終須雪；詎意洩奇謀，千鈞差一髮；踰垣走權

姦，落指驚飛鐵；貪吏虎而冠，風雨橫摧折；玉石一時焚，薰蕕胡同穴；人心猶未死，感此益奮發；前仆後者繼，義軍起八月；光復我華夏，足以慰先烈；於茲十載過，憑弔同悽絕；森森珠江水，且夕常嗚咽；瞻彼黃花岡，屹然立短碣；嗚呼衆烈士，壯哉此流血；民國億萬年，英名常不滅。

「註」薰蕕

薰，香草，蕕，臭草，左傳僖公四年：「一薰一蕕，十年尚猶有臭。」

瀑布追憶

徐謙

字季龍，安徽歙縣人，曾任司法院長，大理院長，武昌中山大學校長，國民政府常委，並代主席。

大地由火成，風之地壳凝；寒熱一相搏，降而如崩奔；遠哉洪荒世，洪水嗟墊昏；火山突起伏，地面原隰存；水流成江河，洩之爲大溟；中間更變動，滄海復揚塵；陵谷易高深，微未何足論；欲探造化迹，且觀此水懸；其來也無端，其洩也無垠；尾閭有時滿，五洲同沉淪；應知人間世，毀滅如朝暉；我來歐戰後，內戰亦已停；追憶此奇境，坐觀銀漢傾；殺氣爲洗

滌，豁然盪煩襟；吾將訴直宰，既濟爲未成；安得挽此水，永言洗甲兵。

中山大學農場啖荔枝

鄒魯

我是嶺南人，生平好荔枝；日不限三百，多少任意恣；每當荔枝熟，便是興發時；掉艇荔枝灣，覓荔作水嬉；縱步蘿岡洞，摘荔忌山巖；思食便思種，十年以爲期；樹人兼樹木，石牌闢新基；擴地可千畝，依山旁水涯；選擇悉佳種，栽培考土宜；縱橫成行陣，生機日繁滋；一年高一尺，數年過人眉；綠葉影婆娑，樹樹子滿枝；紅如瑪瑙色，狀若串珠垂；有羨妃子笑，有愛糯米粢；黑葉肉奇爽，桂味核如錐；新種有白蠟，碩大尤稱奇；壳除見醉頰，衣解露雪肌；入口神先馳；有時趁夕陽，有時迎晨曦；徒步入林去，手撫果纍纍；隨行且隨摘，美味復美姿；陶然忘形迹，飽啖快心脾；樹木得食果，其樂已如斯；樹人得食果，其人難爲辭；有則爲樑棟，有則爲藩籬；國步縱艱險，努力好撐持；此果惠食廣，國民甘如飴；用以傲蘇髯，客賦菁莪詩。

『註』蘇髯

即東坡居士
蘇軾，字子瞻。

祝薩上將八十壽

肅威上將薩公鎮冰，字鼎銘，福建閩侯人，
曾任內閣總理，福建省長，海軍總司令。

張才斌

字允生，江蘇高郵人，曾任南京女子中學及女子法政學校
董事兼教員，福建閩侯地方法院推事，福建高等法院推事。

上壽胡可得，薩公得以仁；介眉兕觥酌，吉月又令辰；尙父年八十，始爲
姬周臣；公早總內閣，又會長八閩；魯公年八十，叱賊義獨伸；公躬冒烽
火，勞軍淞滬濱；史浩年八十，掛冠宴舊親；公退不忘國，踴躍募輸緡；
宋纖年八十，高樓拒客賓；公無固意必，濟衆博施民；傅永年八十，奪稍
試精神；公賦詩寄志，庾鮑比清新；何志年八十，方山水健身；公一無所
藉，自然養其真；八十禮曰耄，公壯猶如人；八十復二算，公應享此尊；
八十膳常珍，公茹苦含辛；八十加玉杖，公安步當輪；總計前歲齡，適符
八百春；取作岡陵頌，榕城有大椿。

『註』尙父

姓姜，名子牙，即太公，年八十歲，釣渭水河，遇周文王。

魯公

姓顏，名真卿，封魯郡公，世稱顏魯公博學工詞章善書法。

抗戰

童杭時

字枕谿，號費甫，浙江人，曾任參議院議員，大理院庭長，中央法制委員，中央特種刑庭審判長，最高法院庭長，福建高等法院院長。

誓雪我國恥，抗戰應努力。戀戀居法曹，原來自不必。男兒重血性，革命是本色。動員向前進，再造新民國。謀國貴老成，興邦須遠識。遠交兼近攻，建言無緘默。奮鬥不顧身，沈潛以剛克。中國謀建豎，邊荒籌墾殖。矢勤復矢勇，服務是天職。還我舊河山，重振鵬程翼。

『註』雪恥

杭時在福建高等法院院長任內時，福州于山戚公祠前，大岩石上，題有誓雪國恥四大字，頌戚公，亦自勉焉。

沉潛剛克

杭時密令馮根榮等用計時炸彈，炸在杭日人，

彈發事洩，馮被拘獲，卒以身殉國。

中華民國詩三百首卷二

七言古詩

昭陵石馬歌 民國六年

于右任

秦王百戰壹華夏，詔起山陵九嶷下。陪陵諸將盡元功，侍立名王均降者。
從征六駿患養難，飛矢被體存者寡。圖形勒石戟門前，想見英雄與名馬。
嗟余垂老搜遺編，去國十載方南旋。盜賊兵火文物燬，劫灰又到昭陵前。
陵中鐵匣雖出土，陵前石馬還留蹤。氣吞三山颯露紫，手拔流矢邱行恭。
黃質黑喙拳毛騮，身中九箭傷如麻。可憐千百載古刻，將軍捆載酬豪家。
餘者青騅特勒驃，白蹄烏與什伐赤。追風駿足多傷殘，傷殘莫保尤足惜。
將軍戰敗東出關，黃金駿骨購不還。抱守殘缺圖書府，纔移名物藏名山。
楊君老去丁君死，拓石關中無名士。懸金四訪莫敢嚙，龍種王孫攘臂起。
奕奕生氣毫釐見，英姿颯爽猶酣戰。似聽鐃吹耳生風，如聞鼙鼓血流汗。

當年控弦角力數十雄，馳驅中原如奔電。祇今失羣翻首復騰驤，蟬翼遺法開生面。畫工可是右相閤，殷歐名筆惜不見。傷今弔古幾摩挲，回首神京重聞亂。噫吁嘻，陸前晚照紅復紅，鳳翥龍翔賸闕宮。太白山頭君休望，龍媒一逝羣爲空。英衛英靈呼欲起，風雲會合連錢驄。長驅鐵騎數十萬，蹴踏大陸除羣雄。嗚呼，安得長驅鐵騎數十萬，蹴踏大陸除羣雄。

安 廬

內子開書齋，顏曰安廬，屬余作草署額。

徐 謙

天下幾人得安居，子獨名居曰安廬；安廬之安磐石如，有几有榻堪讀書。以人住屋容膝足，爲屋住人胡爲乎；高明之家鬼所瞰，絨膝局鏽盜所胠；求安未必能暫安，苟安尤覺非丈夫；心君泰然神自甯，入火不熱水不濡；有時砥筆作心畫，有時染翰追蒼廬；山河大地爲縮寫，虛空龍象同奔驅；興來顛倒若狂醉，狂僧猶當呼作奴；吁嗟乎，生人僕僕若傳車；誰能老死牖下爲腐儒。

「註」盜所胙 從旁開爲胙，一云發也，謂盜開箱篋也，莊子胙篋篇：「將爲胙篋探囊發匱之盜而爲守備，則必搆絨膝，固局鑄。」

讀外子書安廬額感賦

沈儀彬

吾胡名居曰安廬，毋乃偷安似可鄙；須知心安非苟安，俛仰無愧斯安矣；豈有大廈千百間，小屋如舟不踰咫；手持一卷心泰然，讀書要不求譽毀；高車駟馬烏足榮，簞食瓢飲焉用恥；有時豪飲學楚狂，奚必苦吟效子美；醉來伸紙索君書，筆走龍蛇歎觀止；嘻吁噦，安得擲筆化虹霓；一掃長鯨開海水。

「註」楚狂 春秋時楚人，名接輿。 子美 杜甫字子美。

遊觀錫蘭迦利賦圓塔

康有爲

原名祖貽，號長素，又號更生，別號天游化人，廣東南海人，戊戌維新變政出亡，周遊環球，歷四十餘國，至民國成立歸國，著書一百三十七種。

圓塔嵯峨迦利賦，周廊繞徧摘菩提；此是楞伽說心處，道場悄悄佛燈淒。

『註』楞伽

錫蘭之山名，前爲師子國，佛在此處說經，傳有楞伽經。

癸丑三月三日邀羣賢修禊萬生園

梁啓超

時運代謝不可留，有生足以欣所適；永和以還幾癸丑，萬古相望此春色；
大好江山供樞攘，尙有林園葆眞寂；西山照眼無限青，嫩柳拂頭可憐碧；
羣賢各有出塵想，好我翩然履綦集；清談互窮郭向窵，吟筆紛摩鮑謝壁；
略無拘檢出襟抱，相與觴詠殫晡夕；自我去國爲僂人，屢辜佳晨墮絕域；
哀時每續梁五噫，忤俗空傳傅七激；秋蟲聲繁亦自厭，春明夢碎何當覓；
竭來京國儼在眼，起視山川翻沾臆；政恐桑田會成海，豈有長安嗟如奕；
卽茲名園問銀榜，已付酸淚話銅狄；江湖風波況未已，龍蛇玄黃知何極；
因想蘭亭高會時，正兆典午陽九厄；雅廢夷侵難手援，井牒王明祇心測；
餘子猜意爭腐鼠，達士逃虛謝鞿勒；祇今繭紙世共寶，當年苦心解誰索；
吾黨夙昔天所囚，今日不樂景旣迫；漱漱酒光漸氾甕，灼灼花枝更照席；

虎頭尺縑能駐顏，

姜穎生先生繪圖紀勝。

賀老四絃解勸客；

唐生瑤華，二十年前，以琵琶名樂部，今日招與會。

侵馳認放

日月邁，蹉跎應爲芳菲惜；他年誰更感斯文，趣舍恐殊今視昔。

〔註〕代謝

淮南子假真：「二者代謝舛馳。」南史袁湛傳論：「四時代謝。」

履綦

漢書外戚傳，「俯視兮丹墀，思君兮綦履。」

鮑謝

晉鮑明遠謝玄暉，皆擅長吟咏。

晡夕

淮南子天文：「日至於悲谷，是謂晡夕。」

絕域

遠地也，漢李陵答蘇武書。陵先將軍，到身絕域之表。」

銅狄

銅人也，陸游詩：「相與摩銅狄。」劉迎詩：

「銅狄因循五百年。」

典午

謂司馬也，蜀志譙周曰：「典午忽兮，月西沒兮。」

井渫

不停汚也，可汲食，易經井卦：「井渫不食，爲我心恻，王明受其福。」

腐鼠

莊子秋水篇：「鴟得腐鼠，鷂雖過之，仰視之曰：『嚇。』」

鞞勒

韁在口曰鞞，革絡頭曰勒，言爲人所繫。

繭紙

以繭所爲之紙也，王羲之用繭紙鼠鬚筆書蘭亭序：

見法書要錄，蘇軾詩：「蘭亭繭紙入昭陵。」

蹉跎

失時之義，文選阮籍詠懷詩：「娛樂未終極，白日忽蹉跎。」

宇治川口

蔣智由

兩山夾水水如玉，水色山光相映綠；洲中孤塔何亭亭，臥寫清波弄皓月；兩岸櫻花春如雲，扁舟欲渡櫻花落；花下清溪花上樓，樓頭數峯碧山幽；

碧山春來迷煙樹，惟有飛花點行路；欲逐飛花向溪行，便是武陵桃源人。

朝雨

蔣智由

黑雲捲雨飛簷角，倒瀉銀漢之珠玉；園中萬物皆回春，松姿竹色如膏沐；新涼習習吹人衣，階泉噴瀑響飛壑；須臾雲散斷霞明，數個遠峯天外綠。

『註』膏沐

詩經，伯兮篇：「豈無膏沐，誰適爲容。」

習習

詩經谷風篇：「習習谷風，以陰以雨。」

同仲彝子珍昆季過越縵堂飲紫藤花下作

樊增祥

長安十日衣三澣，九達坊埽黃塵滿；畫轂如流紫陌長，垂楊蹴地青春短；平生讀書志淵默，姓氏甯須要人識；越縵先生朝隱流，升堂特許瞻顏色；著書閉戶還寂廖，誰與從者唯二陶；看花每約同車出，置酒頻煩折簡招；且喜今朝風日好，欸段同尋鐵門道；入門花竹交清森，古書素琴悅懷抱；紅藤一架陰四垂，織條密葉含英蕤；頗怪虬龍落窻牖，頓驚瓔珞滿春衣；

從容留客具杯罍，呼童行炙當花下；金尊羽爵一再行，襟上落英浩盈把；
長安鼎鼎多貴人，長筵廣席間八珍；笙歌肯逐時人好，風雅終期我輩存；
主人却坐思鄉縣，東望稽山渺含歎；菰菜蒹葭幾度違，櫻桃竹筍尋常薦；
執戟多年侍漢廷，手遮方麴避公卿；起居時復驚朝貴，樂府惟應付妙伶；
越禽未歸燕草綠，眼前且可相追逐；爲約明朝辦裹糧，蹇雲往踐西山麓。

『註』坊埒

坊音憤，說文段注：「凡寫細末糝物，若被物者皆曰坊。」埒音佛塵起也。

瓔珞

印度邦俗凡貴俗男女皆綴珠玉頸飾。卽云瓔珞，南史林邑國傳：「其玉著法服，加瓔珞如佛

像之

飾。」

秋夜同索生煮茶

樊增祥

山屋月上霜滿庭，虛廓謾謾風葉爭；明燈紙閣澹相對，菊枝墮影當秋屏；
夜寒讀書宜得飲，起吹活火安銅瓶；我力豈能致官焙，薄有草茗聊慰情；
篋中羽扇久封置，此時功與寒爐并；乍見金蛇出復沒，旋聽蚯蚓嚶嚶鳴；
斯須點出更芳冽，露牙淺碧花瓷青；潛入點茶入鹽豉，庸知清濁須分明；

佛芎甘菊以類至，心脾無事常和平；
語生慎莫用鹹簋，此君高潔非虛名；
獨憐飲多每破睡，中宵望月心屏營；
起尋破硯頌森伯，詩骨當與寒泉清。

『註』謾謾

音縮，峻挺貌。世說賞譽：「謾謾如勁松下風。」
趙孟頫題西谿圖詩：「長松謾謾含蒼烟。」

沈石田山水畫幀

樊增祥

畫山如畫芙蓉城，畫水如畫羅縠繪；
畫竹如畫寒鳥毳，畫松如畫千條藤；
松下衡門無入款，芭蕉含風蘆短短，
引吭一鶴如有聲，蒼茫獨立青天晚；
石田鐵畫老益奇，筆力瘦硬西江詩；
狂叫溪山落吾手，坐臥其下忘朝飢；
突兀素壁生洲渚，又疑牀頭響松鼠；
多恐流塵瀉烟素，每夜燈前卷秋雨。

詩中八賢歌

選錄共四

梁啓超

詩界革命誰與豪？因明鉅子天所驕。
驅役教典庖丁刀，何況歐學皮和毛？
（諸暨蔣智由觀雲，遂於佛學，尤好慈恩宗，因自號因明子）

枚叔理文涵九流，五言直逼漢魏遒。蹈海歸來天地秋，西狩吾道其悠悠。

（餘杭章炳麟字太炎）

義甯公子壯且醇，每翻陳語逾清新。嚼墨燕淚常苦辛，竟作神州袖手人。

（義甯陳三立伯嚴，君前贈余詩，有來作神州袖手人之句）

哲學初祖天演嚴，遠販歐鉛攬亞槩。合與莎米

莎士比亞及米兒頓皆歐洲大詩人也。

爲鴛鴦，奪我

曹席太不廉。（侯官嚴復幾道）

春游曲

王闔運

青袍驄馬雙行日，春氣隨人無數尺；近山遠山連水明，深林淺林間花碧；
道旁女兒坐青春，紅靨勻脂愁著人；垂楊別山青門路，一道相思持贈君。

『註』驄馬

王維洛陽女兒行：「良人玉勒乘驄馬」

荼蘼落

荼蘼，一作餘籜，莖高四五尺，自根叢生，夏日開花，花冠爲重瓣，紅帶黃白色，甚美麗，落，落下也。

王闔運

紅英在樹無人惜，落去方知擅春色；片片飛香不待風，翩翩照眼初迎日。
閒窗寂坐吟綠陰，苔光午氣碧如金；鳴鳩語倦深羶席，過雀身輕共出林。
紛紛桃李愁飄雨，高花密架春無數；不辭拋揚比楊花，艷酒穠香心自許。
看朱成碧思綿綿，綠叢紅影更妖妍；晝永飛遲欺困懶，誰從靜裏數流年。

贈童枕谿參議

枕谿名杭時，參議院議員，兼大元帥府參議，中國國民黨浙江主盟人。

彭養光

字臨九，湖北人，曾任衆議院議員，立法院委員，工詩文，善書法，書此詩贈童枕谿參議。

凌煙閣中多名士，照霞樓上有斯人；四十年來無懈志，雲霄一羽見精神。

「註」雲霄一羽

唐杜甫詩？「三分割據紆籌策，萬古雲霄一羽毛。」

照霞樓

在廣州長堤，總理護法時，爲最忠實本黨之議員團體。

春花

王用賓

風捲沙飛石如墜，草木黃落少生氣；人噓馬嘶卽成冰，但見雪花不見地；
似嫌宇宙太寂寥，獨令梅花張冷幟；鐵骨生就抗風霜，不逢巨眼誰省識；

百花交嫉欲爭妍，寒峭尙嚴敢輕試；無何春雷動萬蟄，桃李杏桐突得意；
山花野草亦向榮，麗姿眩目芳撲鼻；楊枝上挺柳枝垂，簸弄遊人各顛醉；
鳥語蝶飛更有情，都對羣芳添嫵媚；不知煞費幾經營，搏揉香色爾諳備；
得非極意驚外觀，氣骨因而不重視；纔經風雨便凋零，滿地殘紅堆垢膩；
一年醞釀待一春，一春幾日忽顛賴；何弗多造耐久花，頃刻榮枯等兒戲；
或者生材有限量，輕薄粗製難貞粹；本來造物非萬能，加力晚成乃大器；
不見松竹澹無華，返樸守眞終暢遂；酷暑高寒葆常綠，細物尙知敦節誼；
可憐不少惜花人，爲花却怨春不遲；縱教魔力阻春回，花已無顏草萎棄；
鉢曇一現經一劫，無端浪墮傷春淚；奈何人蠢復如花，不爭千載爭一季。

醒世歌

吳佩孚

字子玉，山東人，陸軍上將，統率直派軍隊，威震華北，以秀才投筆從戎，于詩詞學，夙有研究，在軍常以詩文自豪。

波滾滾，浪滔滔，天上烏飛兔走，人間春月秋宵。不覺那佳人紅顏老，英雄壯士白髮飄；談甚麼黑鐵赤血，愛甚麼桃面柳腰；貪甚麼黃金白銀，誇

甚麼起鳳騰蛟；到底來盡是一堆骷髏，滿眼蓬蒿。君不見秦隋殘暴，轉瞬間國滅聲消；又不見莽操權耀，結局時斬草除苗。無怪那大肚羅漢，常在呵呵笑；古今成敗腹內包。笑運來，轟轟烈烈，天翻地倒；笑運去，淒淒涼涼，觸目蕭條。吁嗟乎！世界鬧鬧嚷嚷！無非是個大戲場，幻境影泡，誰將紅塵看破，早把乾坤圈兒跳？軒轅空峒訪道，輕視富貴如鴻毛；子房烟霞寄傲，學識畢竟勝蕭曹；達摩棄國煉玄妙，手攜隻履上雲霄；真是個世間偉人，萬古英豪。今開普渡上蓬島，處處寶筏正撐篙，萬兩黃金不賣道，十字街前送故交。祇要功高德浩，祇要過改愆消，打破一切出羅網，福國仙都路不遙。莫將心性等芥草，惟把汞鉛煉夕朝。嗟兩輪日月催人老，莫將寸晷等閒拋；人間壽夭難預料，王侯將相不能逃。切莫待花開蜂蝶鬧，亡羊始補牢。倘若一息不來空悲悼，空在塵寰走一遭。可惜你許多銀錢，棺內不能帶分毫！可惜你嬌妻愛子，青春少年，勾留片刻不能饒，可惜你威聲赫赫，人物表表；祇落得殘杯冷羹獻荒郊！且無功德把孽造，死墮輪迴永不超。倘若子孫不賢肖，嫖賭奢華又矜驕，用如泥沙不計較，轉

眼豪華草米凋。天功報應比人巧，惟有修善天眷邀。看起來花花世界有甚好，不如修善乃爲高。爲個鐵中錚錚，人中佼佼，大智若愚，任人嘲笑，不思泥封花誥，不想玉帶錦袍，不戀花容月貌，不聞滄海風潮，無榮無辱，不勞不焦。霎時間，龍吟虎嘯，天宮跨鶴任翱翔。由三關上至崑崙，下至鵲橋，甘露垂滴，味勝香醪，飲麻姑之酒，聆飛霞之嗽，聽子晉之笙，娛韓湘之簫，一時快樂，求送逍遙。今作歌把世勸，普勸世間大同胞，人人皆以善爲要，不難世界比舜堯，再把三心四想去，共登雲路醉蟠桃。

『註』起鳳騰蛟

謂學士詞章之美，王勃滕王閣序：「騰蛟起鳳，孟學士之詞宗。」

軒轅

黃帝居于軒轅之邱，故曰軒轅氏，史記五帝紀：「黃帝姓公孫，名軒轅。」

蜀農讚

梁寒操

廣東人，立法院祕書長。

西陲天府屬雄圖，臥龍所計良非虛；豈惟難攻憑崎嶇，更以物阜兼土腴，政府抗戰今移渝，我始入蜀未下車；途中所見眞堪書，驚我蜀農何勤劬！往往嶺頂見民居，周遭耕種地無餘；路旁石罅生著芋，豆麥處處美可茹。

漫山青綠眼爲舒，歡喜讚美聲同呼；戰爭第一藉糧糈，勞農大功誰則如？
前方殺敵執戈爰，後方積穀充倉儲；兩者衛國勛無殊，同心協力日自除；
佇看蝦夷境外驅，最後勝利終歸予。

「註」崎嶇險也，陶淵明歸去來辭：「亦崎嶇而經邱。」

重陽前三日台高邱登高雅集

王用賓

涪汝滾滾東南流，巴山雄踞江上頭；中原回首青濛濛，已覺置身千萬峯；
漂泊迄今二十載，重慶重陽五度逢；庚申議會曾西渡，護法余亦來小住；
丁丑三省典試歸，倉卒輜軒未暇駐；時艱苦無登眺心，俱值重九乃奇遇；

重游重慶詩，有「重慶重游十七年，俱逢重九亦奇緣」句。

一旦翠華又播遷，行在追隨至兩泉；兵間九日廢登覽

，牢愁滿目寫長篇；

戊寅九日有重陽不登高長句

去歲南山復高會，雲莊門韻誰殿最；代拈十

字強爲歌，不及攀陪仍門外；風雨今年又近期，承平故事那可思；龍山鳳
嶺齊烽火，文酒風流豈舊時；海內形勢此其脊，高出雲表三萬尺；何必攜

酒再登山，皇皇循俗避災阨；災阨孰如淪陷大，千萬人家正坎坷；可憐釀
解費長房，雞犬牛羊無一個；不能盡舉國人移，不能立摧海寇破；一身安
忍獨逍遙，且自閉門思補過；蓮池社友多儁才，朗吟不待菊花開；愛惜佳
日肯輕放，促將樽酒設高臺；高臺山川交會處，雲嶺雪岩入庭戶；草玄時
上子雲亭，賭奕別開安石墅；一朝倒屣接吟儔，管領江山暫作主；木落煙
收天宇闊，再過三日陶令節；宣和遺事借元宵，豫作重陽非強說；江村市
遠乏甘腴，美酒但助雙耳熱；半醉歌呼更激昂，乘興高堡攀青欄；邱亂便
嫌萬壑窄；雲開彌見兩山長；四圍風景向人逼；應有大句與之敵；一年氣
候重清秋；盛會良時不多得；秋禊兩京頻廢舉；參軍莫漫作蠻語；蘭亭名
士各賦詩；繭紙鼠毫謹爲序；文章與之肯綢繆；山水不雄亦翹楚；此臺高
敞何時堆；何人古往又今來；這番余輩盤桓處，百千年後悉草萊；雪泥鴻
爪偶然迹，一日要畫千秋策；兒童盡識習冢池，父老終懷峴山石；古來立
德並立言，不朽名山佔一席；非必暇娛便忘危，要以平時視戰時；風雅不
因兵革廢，發越正聲斥詖辭；書生焉可遽投筆，文運確關國興衰；豫作原

不是重陽，聊對溪山傾碧觴；滿城泛菊題餽日，落寞依然臥山房；不信胡運能長久，令人歲歲涕霑裳；東坡昔日謫南海，黃華未放重陽改；展限邀客七十日，時令何嘗不相待；余願展期到戰後，神州一舉蕩塵垢；白叟黃童齊拍手，與君飛躍崑崙首；赤棗饅，黃花酒，一飯三百誰計斗；轉頭東北嘆三口，厭伏劫運脫陽九；永州柳，潮州韓，平淮西文無足觀；踏平海上蓬萊山，銅柱標題雲漢間。

贈童枕谿院長

字萱甫，浙江人，福建高等法院院長

張才斌

芟稂莠，膏良苗，弼教明刑好法曹；計歲虞廷逢考績，我公無讓古皋陶；循行南國留棠蔭，謳歌到處頌賢豪。

遊濟南趵突泉

陳庸公

字馨光，號蘊齋，福建惠安縣人，曾任衆議院議員，廈門商埠監督。

歷下城西趵突泉，曾經帝判

清世宗南遊題此泉天下爲第二。

名益傳；我爲好奇往觀之，果然躍

出三珠圓；泉由地下噴出三泡晝夜長噴不見息，不知何鬱性偏激；方今天上正滔滔，
清激如爾轉人惜；我愛泉水漪，可以樂吾飢；我愛泉水漣，可以樂吾天；
沈淵洗耳不聞亂，長夜漫漫何時旦。

月夜歌聲

童翌初

字燕生，浙江曠縣，幼時稱爲神童，考入各級學校，均取第一名，畢業廣東嶺南大學，任新會中學教員。

金烏西墜青山外，玉兔東昇綠水前；萬籟而今聲寂寞，碧空萬里獨帆懸；
清風颯颯覺寒意，海水騰騰影始遷；雲盡玉盤尤覺豔，星稀遠望水連天；
神舒氣爽感天高，暮色蒼茫捲晚濤；欣賞天然好景緻，悠然自得樂陶陶；
燈光殘影波中動，月下孤鴻徹夜號；坐石遠眺學隱士，倚欄高唱賦詩騷。
忽聞海上有歌聲，若斷若連若寄情；嫋嫋餘音如怨慕，嗚嗚咽響告忠誠；
悠悠哀思何人訴？蒼蒼心情對月明！但說家鄉遭大劫，念鄉詞裏氣難平。
爺娘子女皆分離，伯叔弟兄何處是；孤身隻影獨徬徨，親戚友朋多戰死；
從此浪流在四海，良田桑竹盡皆毀；惟見烽火動地來，何日得能歸田里。

歌時聲淚雙雙下，歌罷哽咽獨自知；水光輝映初長夜，月色蒼茫苦短時。
聲中含怨復含癡，聞此可思絕世姿；一舟擺擺行復止，世海茫茫何所之？
天涯海角有歸心，萬里歸心感不禁；舟浪漸微漸不盡，歌聲覺遠覺銷沉；
從茲月色成遲暮，自此風聲倍凜森；天地含悲難自料，愁雲慘淡積重陰；
當初景色今何在，惟見浮烟鎖遠岑；曉籟漸聞聲不絕，鏘鳴耳鼓若歌音。

『註』金鳥 日也，傳日中有三足鳥，因而稱之。
膝迺慶雲抱日賦：「捧金鳥而徐飛。」

玉兔 月也，賈島詩：「玉兔潭底沒。」
辛棄疾中詞：「著意登樓瞻玉兔。」

萬籟 謂一切聲

響，韋應物詩：

「出嶽聽萬籟。」

颯颯 音煞，風聲也，楚詞九歌山
鬼：「風颯颯兮木蕭蕭。」

玉盤 月也，蘇軾中秋月詩：
「銀漢無聲轉玉盤。」

詩騷 舊說：詩指詩

經，騷指離騷。文心雕龍：

「詩騷所標，並舉要害」。

老將軍行

悼卓威將軍，將軍姓朱，名慶瀾，浙江紹興人，曾任黑龍江巡按使，廣東省長，東三省特區行政長官，兼中東路護路總司令。

張震西

江蘇省
南通人

蒼蒼白髮老將軍，威武會空冀北羣，丰姿依舊英風在，想見當年汗馬勳。

勳勞卓卓始齊魯，末吏轅門朝聽鼓，防河十載竭苦辛，曠典酬廉食千戶。
將軍原籍山陰，世居濟南，以候補縣于役河工任管帶官。

兵符羽檄星夜頒，輕騎遠出山海關，征袍紅浴赤眉血，百戰無恙大刀環。
奉調出關剿匪

雍容裘帶理庶事，雄略原非郡縣器，士行運甓一州勤，士元高臥百里治。
以軍功歷任安東縣鳳凰廳錦州府，以能吏稱。

巡御秩進執金吾，督辦新軍縮虎符，衛民衛國維新政，剏此成功樹楷模。
旋任奉天巡警總辦，督練公所督辦。

徵兵牧馬建新纛，虎賁三千勇絕倫，巴蜀健兒身手好；
調四川巡警道新軍三十三協協統

義師革命首成都，揭竿負弩效前驅，陶齋授首趙屠斬，響應風從定楚吳，
川軍舉義，被舉為副都督，陶齋即端方，趙屠即趙屠戶爾豐。

共和既建中原一，外患隱憂在東北，出使巡按黑龍江，威之以武懷以德，兩強悅服掩旌旂，胡馬多年絕漢畿，題名繪像凌烟閣，崇

號將軍錫卓威，西南護法明甲鎧，兩廣交兵局勢殆，單騎馳入炮火中，說退龍王去粵海，
龍濟光負固不下，為公說走，公旅長粵。

海軍獨立電歡迎，舳艫南下訂同盟，更集粵

人謀粵事，如令逐客歸武鳴，

陸榮廷盤據兩粵，陽號自主，陰阻革命，公集合海軍等實力並主張粵人治粵，陸不得已回桂

武鳴歸去國

父來，非常國會及時開，贈別親軍營二十，策源北伐此胚胎，

團父臨粵後，公實踐粵人治粵主

張，去職，親軍二十營交陳炯明，改組革命軍。

安排竟事辭官走，下野清風仍兩袖，謝絕徵詩甘食貧，

骯髒登樓一搔首，

奉調廣西省長不就，馮國璋函電徵聘，遣便促駕，又不赴

真個歸田墾海阿，耕暇洗甲射陽河

創辦華成鹽業公司於蘇北阜甯射陽河傍。

朝朝閒仿黃山谷，字以人珍換白鵝，籌邊又赴濱江戍，護

軍威鎮中東路，克展新猷建特區，綠陰濃覆甘棠樹，

復出任東三省特區行政長官，兼中東路護路總司令。

濯足滄浪別渭涇，命辭膠督抗燕廷，從茲懺悔生平業，茹素清心誦佛經，

執政府任為膠濟督辦，不赴。

黨軍北伐掃狼煙，百廢俱舉徵耆老，治河肅政兩不拜，獨拜賑

委賑旱潦，

黨國既建，先後被任為黃河水利委員會委員長監察院監察委員，均不就，旋任賑濟委員會常務委員。

一片慈悲菩薩心，沿門託

鉢勸捐金，施衣施食兼施教，老幼災黎受惠深，東北風雲九一八，誓收失

地出冀察，重集遼陽子弟兵，老來再向沙場殺，

九一八失地辱國東北義勇軍擁護公為領袖

馬王深入戰

經年，彈罄糧盡冰雪天，登高一呼中外應，輸邊立致萬千錢，

馬占山，王德鄰部餉糧缺乏，公

爲籌募接濟，華僑捐款尤多。

日寇又釀七七變，洪水泛濫徧禹甸，翊贊中樞策國防，同仇抗

敵長期戰，戰區難民湧如潮，流離道路嗟飄颻，安得林樹千萬枝，枝枝都

好棲鷓鴣，西安但建兒童院，懇區分界流民佃，慘淡經營廢食眠，嘔血殷

殷心肝見，

既苦粥少僧多，又苦事不順手，憤急得咯血症。

將軍有子亦英雄，耀武邊圍繼立功，被俘十

年艱一死，秋來蹈海躍朦朧，

長公子朱榕，以旅長任中東路護路司令，九一八後被監視，覓死不得，今秋艦送東京，中途蹈海死。

又有郎君

居歇浦，課罷歸途遇外侮，霹靂一聲彈一丸，大好青年歸黃土，風燈高年
憂患餘，爲民爲國日欷歔，遼天鴻雁申江鯉，都是病中催命書，辭歲聲聲
咽臘鼓，天低日短風虎虎，大將星沉五丈原，黃河頓失中流柱，救濟生靈
事未完，烽煙兩地望長安，倭奴未滅身先死，一代孤忠慟蓋棺，大喪一發
震朝野，明令議卹崇朝下，都門追悼會百僚，一路素車馳白馬，婦孺負販
盡咨嗟，不忘年高慈善家，儘有口碑載道路，一坏千古夕陽斜。

輓徐季龍先生

陸費逵

字伯鴻，浙江桐鄉縣人，學問淵深，著作宏富，曾任中華書局總經理，上海書業公會主席，國民參政員。

九龍忽報一龍走，八龍悵悵歎無首，此龍早歲躍龍門，覺悟不甘作阿斗，
追隨孫公革清命，口誅筆伐盡責任，反對帝制終倒袁，國事奔馳是否份，
蘆溝橋畔烽火驚，黃浦灘頭轟炸聲，運籌抗戰溯江上，操勞過度病在心，
衷心憂國有誰見，勉力創辦保育院，教養難童數盈千，至死不忘博濟念，
熱心男兒世所稀，一朝散手萬入悲，中原底定期非遠，來歲賢郎祭告知。

題龍安佛寺三十週紀念

寺在福建惠安

陳庸公

我是阿彌謫塵寰，半生破衲猶自纏；晚年擬提慧鋒劍，斬斷世情與俗緣；
歷遍繁華同浩劫，安然過此名利關；遨遊中外尋阮跡，跋涉崎嶇不得間；
里人告我邑東鄙，龍安佛寺屹其間；遴迤奔赴從岱帽，前襟龍港後鳳山；
龍村楊子苦心契，覺路先開三十年；苦海人羣思引渡，慈悲忠恕担一肩；

我惟爭世在革心，人欲橫流正無邊；爲堯者非爲桀是，爲西者醜爲媯妍；
造亂只知師黷跖，安貧誰復識孔顏；芸芸衆生貪瞋癡，前仆後僵如循環；
佛說色相本皆空，回顧婆娑淚欲潸；願以胸中三昧火，滅盡塵世之豺獫；
願以七寶功德水，藥遍恒河之冥頑；善根重植不辭勞，寶樹輝煌成大千；
君不見金粟如來是前身，託佛證果有青蓮；又不見如滿結社善談經，香山
晚節亦逃禪，英雄末路半爲僧，由爲福慧夙力堅，出世不問理亂事，放懷
且將恩怨捐，勛名世味同嚼蠟，富貴場中視秋蟬；六欲早去六通生，五香
特起五濁蠲，長以金剛不壞身，日向東林自往還，極樂界內黃花伴，歡喜
園中翠竹眠；冬郎公瑞思避世，錯認桃源在吾泉；維喬用晦稱先哲，當年
政績亦雲煙，不如永無煩惱苦，逃入逍遙自在天，斗室之內有乾坤，蒲團
坐上放光圓；卅載卜居猶未定，約定水湄與山巔；龍江白石長碣碣，龍江
流水長潺潺；慈航普濟我欲先。

酬羅斯福總統

楊 圻

字雲史，江蘇常熟人，工詩文，著作甚豐，稱爲江東才子，曾任孚威上將軍署祕書長。

大德惟曰生，萬古得無恙；六合皆毀滅，一人起而抗；手援天下溺，大義今獨仗；傾國急人危，我史空霸王；誰哉仁者心，合德天地量。浩劫東方始，燎原弗可止；鯨吞半中國，生靈芻狗視，雄心一八紘，逆我者當死，死者投火海，生者殉流徙；大戰三載餘，流血八千里；列聖垂文物，摧毀一彈指；歐洲亦匆匆，人禍嗟沙蟲；左提復右絜，窮奇各西東；滅國一服八，大慾弗可窮；共抹新地圖，約爲主人翁；所至天雨血，殺人如火風；用兵並不神，復士非不雄；無乃佳兵者，不戢其終凶；造物蓋至仁，其數窮則通。雷霆霹靂交暗鳴，炮烙燔灼相乘除；烹割齊楚醢莒邾，大邦小國拉朽枯；巴倫兩京一夕墟，白骨如山碧血滌；帝王螻蟻相沫嚮，諸侯屏息莫敢扶；美洲元首運睿謨，營神九塞世途晡；強爲刀俎弱肉魚，按劍疾起振臂呼；失此勿圖將安圖，自我弗爲將侮予；冠帶之倫兄弟國，能從正義皆吾徒；人愛其國我從後，我爲武庫人前驅；執戈衛捍在公等，願供悉索

厲在餘；西方絲綸德音播，聲滿大地歌來蘇；瘡痍感泣敵驚悚，中英希南其聞諸；興滅繼絕居何等，桓文事業誠區區；斯人不出蒼生吁，後垂萬世前古無；懿歟盛哉！巍巍羅公疇八荒，濟弱扶傾當仁當；舟車所至輸仁漿，大國之風何泱泱；詩讚美人在西方，山榛隰苓所思長；強我國魂光炎黃，炎黃子孫毋相忘。

題棠梨館圖 井序

許紹棣

字夢如，浙江臨海人，中國國民黨中央執行委員，浙江省教育廳廳長，中央國民參議會議員。

李祕監立民。避寇流寓雲和。於南谿鄉卜築茅茨三椽。時爲詩酒之會。屋傍棠梨掩映。風景幽絕。余越園孫良翰二老。各爲作棠梨館圖壹幅。時彥並多題詠。丙戌春。祕監出畎詩圖索題。因憶往歲與李氏比隣而居。每當棠梨搖影。涼月如鈞時。常相與科頭箕踞。俛仰共話古今興亡事。不知老之將至也。歲月如流。忽忽俱成陳蹟。緬懷往事。低徊不能自己。自慙望五之年。悚然於無聞之戒。率成長句誌感。

檀板金罇不可留。憂時王粲入荊州。途窮不哭眞豪傑。祕監風流孰與儔。
誅茅卜築南谿曲。亂植棠梨花似雪。舉目河山風景殊。時依南斗中腸熱。
憶昔與君嘗比隣。棠梨分作兩家春。我著藤鞵君大布。相逢杯酒時相親。
東風麗日春光煖。紫燕黃鸝誰與管。底事余孫兩畫師。爲君畫作棠梨館。
陋室何妨唯德馨。南溪長憶子雲亭。文翁化俗吾豈敢。人傑方知地始靈。
男兒致身須及早。壽比彭篋何足道。不見磻溪垂釣翁。未逢際會傷潦倒。
令我披圖長怨咨。四方多難此何時。湖山信美非吾土，風月人間豈有私。

日本末日曲

遜廬余重耀 三十四年九月三日諸賢

天兄日弟啾啾哭，末日將臨社將屋，謔謔出出愁鬼神，茫茫漫漫迷黦黠，
控搏地水火風空，併作霹靂雷霆雹，惟天無險誰能防，有隕如星不盈握，
警電播音海外來，雙丸次第空中落，一丸落廣島，電光閃閃星流速，一丸
落長崎，烈燄熊熊日色薄，乙酉孟秋日庚辛，兩試彈丸震海陸，雲中勅使
六丁來，洞入地心裂其腹，不論猿鶴及蟲沙，金鐵飛流况血肉，一日一夜

萬死生，天跳地踔移舟壑，恢張天網大巡環，檢點兵符新鬼錄，有不屈者
視此丸，裂爾版圖赤爾族，原子原子微乎微，太倉稊米滄海粟，力能一擊
破天荒，彈壓山川迴地軸，嗟爾島夷東海東，傳說求仙始徐福，建武爰隸
職貢圖，測水驗風稟正朔，樞原筆路啓山林，漸被華風變夷俗，神武開基
世系長，明治岷興幕府覆，蠢爾世爲上國仇，自倚天驕莫余毒，九年俶擾
徧神州，焚水赭山徙陵谷，助天公憤激同盟，元惡貫盈嬰大僂，長鯨跋浪
俄暴顛，蒼兕奔林終折角，原子原子惟汝功，助天吐氣人張目，吁嗟二千
六百年，敷着殘棋一覆局，萬劫難逃龍漢災，十洲聽唱烏啼曲，海邊招爾
大和魂，落照三山圖一幅，噫噓噓，世事迴黃復轉綠，无平不陂往不復，
朝看海市幻蜃樓，暮見桑田堆贏壳，日出日沒一刹那，修羅驚怖天魔伏，
五洲五洋洗甲兵，九天九地開光嶽，白日放歌喜欲狂，鐺音同譜齊天樂。

頌唐內兄六秩榮慶

魏頌唐，浙江嵊縣，曾任財政學校校長，財政廳科長，省政府祕書，著述財政書籍多種。

謝冠生

浙江嵊縣，留學法國大學法學博士，曾任中央大學法學院主任教授，中央政治會議祕書，司法院參事，祕書長，司法行政次長，部長。

韓魏之家本名族，自視欲然信道篤，高山流水訂知音，况乃情誼如手足。
令祖厚德能文章，問經親炙南皮張，名宦名儒兩不愧，化行閩粵留甘棠。
尊翁淡泊似莊周，吏隱漆園物外遊，牡歲功名輕汗馬，暮年心事許沙鷗。
無才忝作君家壻，盱衡世局談康濟，君承家學著先鞭，學優出仕風雲際。
鄂渚歸來任祕書，鄉邦財賦劑盈虛，理財不讓唐劉宴，巨製鴻篇足愈愚。
財務鉤稽頻鞅掌，人才經國先培養，滿門桃李競芳菲，裁成狂狷人宗仰。
一朝倭寇侵鄉關，荒墾三門水一灣，尋得桃源堪避地，淵明高致信難攀。
蟠桃正熟方壺島，男兒六十未云老，况復子孝更妻賢，海天共劄安期棗。

中華民國詩三百首卷三

五言律詩

大同 三首

康有爲

千劫皆煩惱，吾來偶現身；獄囚哀濁世，飢溺爲斯人；諸聖皆良藥，蒼天豈不神；萬年無進化，大地合沉淪。
人道只求樂，天心惟有仁；先除諸苦法，漸見太平春；一一生花界，人人現佛身；大同吾有道，吾欲度生民。
廿年抱宏願，卅卷告成書；衆病如其已，吾言亦可除；人天緣已美，輪劫轉空虛；懸記千秋事，醫王亦有初。

惜 誦

楚詞九章篇名之一，屈原陳忠信之道，不納被放而吟，康公出走時，感賦此詩，因借惜誦二字意題。

康有爲

西北葡萄熟，東南孔雀飛；翠毛捐曠野，美酒對斜暉；天馬將騰去，名姝

未贖歸；故園萬花放，可惜老魚磯。

屢出

以詩之首句
頭二字爲題

張 謇

字季直，江蘇南通人，清甲午狀元，不仕，在籍辦實業，著有成效，聲名藉甚，民國成立，任農商部總長，著有詩錄六卷。

屢出真成慣，孤懷亦自遙；小車方擇路，獨木已當橋；鶴影中宵月，蛙聲半夜潮；無人能共語，默默斗旋杓。

西湖荷

蔡元培

字鶴舸，號子民，清翰林院編修，不仕，歷遊泰西各國，研究中西學術，民國任教育部長，北大校長，大學院長，察監院長，研究院長。

瀲灩湖光裏，荷花別樣紅；水渡清似許，蓮葉碧無窮；佇看三潭月，行吟曲院風；凭欄香冉冉，把棹樂融融。

『註』三潭

杭州西湖十景中
有「三潭印月。」

曲院

杭州西湖十景中
有「曲院風荷。」

西湖柳

蔡元培

青青湖上柳，裊裊舞纖腰；堤畔聞鶯囀，橋邊看絮飄；鵝黃方吐豔，鴨綠又添嬌；蘇小門前往，依依幾萬條。

「註」聞鶯

杭州西湖十景中有「柳浪聞鶯。」

前往

詩經：「昔我往矣，楊柳依依。」

萬條

溫庭筠柳枝詞：「蘇小門前柳萬條。」

八月十五前夕望月寄內子作

內子沈儀彬女士工詩文，善書畫。

徐謙

底事誤歸期，勞人縈夢思；兩心懸五夢，異地仰清輝；望迴成交點，光分得半規；長風曷相送，隨汝入羅幃。

山居卽事

徐謙

山寓觀物態，幽趣靜中生；野雀別枝墮，遊魚逐食驚；念隨流水續，心與暮雲平；望望情何極，攜筇自在行。

登南高峯

杭州西湖山有南北兩高峯。

宋教仁

字遜初，號漁父，湖南人，辛亥革命運動中堅，民國成立，任農林部長，嗣因主張組政黨內閣，袁世凱遣人暗殺之。

策杖層巒上，山枯木葉空；徐尋屈曲徑，竟至最高峯；村市沉雲底，江帆走樹中；海門潮正湧，我欲挽強弓

「註」挽強弓

五代時，吳越王錢鏐挽弓射潮。

晚發漢口寄漢元

漢元姓陳，名家鼎，湖南人曾任臨時參議院議員，國會衆議員。

宋教仁

晚色侵江白，輕舟發夏陽；潮聲隨岸遠，山勢送人忙；大地風雲鬱，長途雨雪降；悠悠此行役，何處是瀟湘。

寄子尊簋

字伯器，浙江諸暨人時爲廣西協統，訓練新軍，辛亥光復任浙江都督，嗣任大元帥府參謀次長。

蔣智由

搏桑千尺影，影接鎮南關；漠漠天連海，蒼蒼水接山；花開八桂好，月映九疑閒；憐汝馳戈馬，蒼梧莽宕間。

湯河原

蔣智由

溪聲洶俗耳，山色長禪心；紅葉成丹壑，青雲冒碧岑。飛泉三級浪，迴嶂一樓陰；觀海千峯上，因之獨放吟。

暮雨

王闔運

暮雨疎疎過，清鐘了了聞；影驚槐葉去，涼趁竹枝分。獨坐徒多感，哀時且論文；愁心兼靜意，來往覺紛紛。

月夜

王闔運

缺月生殘夜，天涯自覺寒；繡簾深不卷，玉鏡豈同看；影破愁仍滿，衾虛夢總難；多情宜小病，閒睡憶前歡。西望長沙水，從天向此來；月光寒不落，霜氣坐相摧；大野風難定，高樓笛易哀；亂離無驛使，辛苦折江梅。

出門

王闓運

出門徒佇立，望遠欲悲歌；落日遊人少，清秋客思多；疏鐘送歸鳥，微雨滴殘荷；因問忘機者，閒居意若何。

姑塘夜雨

陳三立

字伯嚴，號散原，江西義寧人，光緒丙戌進士，工詩，爲宋詩運動最力，入民國以來，著散原精舍詩集行世。

燈火浮湖嶼，人烟接市塵；愁兼一夜雨，夢落九江船。雷電開波鏡，歌吟答水仙；欲呼寒月上，石影壓孤眠。

感懷

嚴復

字幾道，號又陵，福州人，曾任復旦公學監督，北京大學校長，博通中西文學，譯書甚多，最著名有天演論，原富，法意等書。

求治翻爲罪，明時誤愛才。伏尸名士賤，稱疾詔書哀。冀北天如晦，湘南雨又來。臨河鳴犢歎，莫遣寸心灰。

舟出朝鮮灣

于右任

陝西人，追隨國父革命，民國紀元，任交通部次長，嗣任民立民權各報主筆，國民政府監察院院長。

痛定應思痛，國魂招不還。雲生絕影島，雨濕白頭山。并力爭除暴，偕亡詎是頑。于思亦戰友。無奈鬢毛斑。

和張予昕華嚴夫婦元韻二首

王用賓

山居靜無慮，詩境少人侵。百首今花蕊，一奇舊石林。石林居士有云：只聞詩境自一奇。綺思

雙管下，香句對匱斟。夫婦兩司馬，吳絳仙能詩號女相如。白頭不更吟。

福地由心造，聯吟引興賒。古懽尋闌草，妙諦笑拈花。翰墨供遊戲，江山趁鼻斜。但教人可意，何處不煙霞。

登獨秀峯

在廣西省桂林縣，風景幽美，林樹蒼鬱秀麗故曰獨秀。

鄒魯

獨秀峯頭立，羣山一望中；巒峻皆拔地，環拱似朝宗；特立甯孤德，巍然

自衆崇；天南柱石在，突兀撐青穹。

遊馬來亞怡保天南洞

陳庸公

此地似飛來，天窗石壁開；層樓依屈曲，流水印蒼苔；日過山餘峽，僧留茗一杯；晚鐘催我急，欲去又徘徊。

新製布衣

樊增祥

釋褐猶無日，安論紫與緋；撞花賓女布，薜荔楚人衣。澹泊從吾好，暄涼與汝依；世皆同此服，愁絕錦坊機。

『註』撞花

左思蜀都賦：「布有撞花。」撞花者，樹名，可織爲布。

宿魚網洪

樊增祥

明河耿遙夜，獨客詠涼天；旅袂西風裏，鄉書白露前；猿歸樵徑月，鐘定

竹樓烟；欲趁秋江曉，褰裳採白蓮。

登寶通寺塔

樊增祥

歷劫仍崇構，窮高望欲迷；下臨遠地遠，直上與天齊。江漢雙流細，風雲萬象低；夜燈全勝月，晴彩漾招提。

招題，四方也，現經本譯作招提。

思故鄉

易順鼎

異地驚年暮，鄉心起萬端；誰言南土暖，已覺北風寒。魂夢還家遠，衣裳度海寬；登樓何所望，癡絕倚危欄。

尋山

徐謙

策杖尋山去，看雲藉綠茵；波搖風動石，葉下鳥窺人。於此得佳趣，何生乃不辰；蝦夷勞戰伐，未許白鷗親。

中秋懷社英

沈儀彬

歇浦中秋夜，伊人各一天；微風雲掠影，異地月同圓。濁世共誰語，清貧祇自憐；聊將一罇酒，還學竹林賢。

春景

童翌初

最好春天景，紅花照夕陽；林深千樹綠，麥熟萬畦黃。楊柳彎腰舞，芝蘭撲鼻香；遙看山似畫，靜聽鳥啼忙。

清溪道上

呂志伊

字天民，雲南人，曾任司法部次長，參議院議員，憲法起草委員會委員，大理院院長。

雞鳴關競渡，風雨滿江州；山態隨雲變，河聲挾石流。浪花欺雀舫，露草逼羊裘；飲盡杯中月，乾坤一水鷗。

元夜宿鮎魚塘

呂志伊

落日暗郵亭，征人酒未醒；月緣今夜白，山自故鄉青。驛路連黔楚，街燈射斗星；更深眠不得，環堵盡生靈。

洪山看梅

洪山在福州城西
洪山橋附近。

童杭時

字枕谿號萱甫，浙江人，曾任參議院議員，大理院庭長，中央法制委員，中央特種刑庭審判長，最高法院庭長，福建高等法院院長。

洪山風景好，破臘有寒梅；枝已瓶中插，花先嶺上開。格高松作友，韻勝酒添杯；今我凝眸看，清香撲鼻來。

和童院長洪山看梅

薩鎮冰

字鼎銘，福建人，粹于國學，遊英學海軍畢業，回國任海軍上將，國務院總理，福建省長。

遊騁洪山上，攜筇看古梅；格高稱處士，韻勝占花魁。破臘隔離畔，傳春到水隈；半窻疏影動，疑是玉人來。

春山勝事二首

童杭時

似笑春山裏。花香勝事多；舉頭看蝶舞，側耳聽鶯歌。萬紫凝青帳，千紅映綠波；賞幽煙景好，那管夜如何。
桃李羣芳日，春遊莫錯過；山高明月小，景勝好花多。印屐看紅杏，流觴引綠波；畫屏重疊翠，織錦有鶯梭。

贈友

徐謙

十載論交久，相知在性靈。豈期難救國，底事又勞形。我羨乘槎客，君耽陋室銘。未除文字習，何不閱金經。

贈邵力子

章士釗

字行嚴，號孤桐，長于古文，工詞章，軍政府秘書長，會充參議院議員，司法部總長，國參會常務秘書。

從古書生業，如君又幾多。專城秦社稷，祕監漢山河。灑落君依舊。艱難奈若何。未知邵夫子，擊壤向誰歌。

留宜昌侯船遊三遊洞

鄒 魯

一洞豁然開；神工巧妙哉，巖疆連楚蜀；清境絕塵埃。一水迴環繞，千山合拱來；登臨多感慨，頑敵幾時摧。

祝太戈爾八秩壽

印度詩翁太戈爾氏，年高德劭，舉世咸知，民國二十九年四月十四日，爲翁八十壽辰，特寄詩以祝。

陳立夫

浙江湖興人，國民政府教育部長。

天竺詩人老，康強八十年；佛稱無量壽，心醉大同篇；文化源同古，精微道待宣；恒河常住世，此事在高賢。

重 九

蔡語邨

海外逢重九，登高但上樓；歡情縈舊夢，濁酒洗新愁。欲作忘憂客，翻成章句囚；故園秋色好，歸思正悠悠。

題省吾寄廬春暉孺慕圖

王君省吾經商香港，厥母年逾七旬，世居閩晉江因國難迎母來港，繪松蔭圖徵詩。

童杭時

王母蟠桃實，春暉映少微；省吾曾子孝，孺慕有虞微。松蔭當前茂，年華逾古稀；寄廬萊綵煥，隨侍樂瞻依。

祝陳母佘太夫人七秩晉一壽二首

童杭時

年華逾古稀，寶婺耀祥暉；萊綵迎風舞，桃觴醉月飛。毓才隆教育，禦盜有神機；智勇兼全者，斯人世所希。

巾幗有耆英，賢能莫與京；蓬洲真淑德，媯汭舊家聲。福備三多祝，花開四照明；桂蘭齊挺秀，繞膝慶長生。

『註』巾幗

言女界中人。

莫與京

言無可與比。

媯汭

虞舜所居之地，陳爲舜之後代。

溪邊觀瀑

童翌初

獨步緣溪畔，遙望掛石中；湍流如朗玉，瀑布若飛蓬。雲錦涵波麗，珠璣映日紅；野烟穿白練，注壑似長虹。

「註」遙望掛石

唐李白詩：「銀河倒掛三石梁，香爐瀑布遙相望。」

言 詩

張才斌

蘊在中爲志，流於外卽詩；心花憑自發，情緒許誰持。草木禽魚譬，歌謠詠歎詞；二南如不學，牆面立難移。
論語：「人而不爲周南召南，其猶正牆面而立也與。」

題公達萬里封侯冊子

柳亞子

燕頷封侯事，班生舊壯謨；張皇投筆意，珍重擊窠書。弦誦開庠序，

公達創辦廣州

大學已十三年謳歌聽海隅；前驅期努力，先定粵王都。

封侯何足道，霖雨爲蒼生；慷慨朱雲劍，艱危終子纓。戚俞應殄虜，李郭會收京；一笑功成日，毋忘在莒情。

夢見國父

童杭時

復夢見孫公，殷勤笑語中，同盟承厚誼，革命仰高風，回首多年別，談心一貫通，音容如夙昔，握手樂融融。

祝馮自由先生六秩

童杭時

年華容易老，謙退守天真；飽學中西貫，稽勳筆削親；芳辰逢六秩，花甲慶重新；國會同參議，吟詩賦大椿。

「註」易老

王勃滕王閣序：「馮唐易老。」

謙退

東漢夏陽侯馮異性謙退，人皆稱之。

稽勳

自由於民國紀元時任稽勳局長，嗣被選為國會參議院議員。

城樓晚眺

顧頡頤

吳人，治史學，著有古史辨，能詩，極為魯迅所稱說。

極目憑高望，秋光晚更賒。丹楓林下醉，黃菊籬籬斜。遠岫迷歸雁，寒潭浸落霞。蒼松烟鎖處，隱隱兩三家。

中華民國詩三百首卷四

七言律詩

弔劉道一烈士

孫文

字逸仙，號中山廣東中山縣人，致力國民革命四十年，民國紀元，任臨時大總統，嗣任軍政府大元帥，非常大總統，中國國民黨總理，手著中山全書。

半壁東南三楚雄，劉郎死去霸圖空；
尙餘遺策艱難甚，誰與斯人慷慨同，
塞上秋風嘶戰馬，神州落日泣哀鴻；
幾時痛飲黃龍酒，橫攬江流一奠公。

其二

黃興

字克強，湖南人，奮勇革命，爲黃花岡之役領袖，武昌起義，亦身與軍事，民國紀元，任陸軍部總長，南北構和，任南京留守，

英雄無命哭劉郎，慘淡中原俠骨香。
我未吞胡恢漢業，君先授首看吳荒。
啾啾赤子天何意，獵獵黃旗日有光。
眼底人才思國士，萬方多難立蒼茫。

挽吳彥復先生

張謇

十年寥落吳公子，家國艱辛不自由；世論推歸南部黨，詩才寄與北山樓；
金銀散客貧能壯，鶯燕離巢說尙愁；萬事分明一杯水，逍遙今看海鯤游。

登千佛山

湯壽潛

字塾仙，浙江省人，清翰林院編修，不仕，創辦浙江鐵路，聲名洋溢，浙江光復，被推爲浙江都督，民國紀元，任交通部總長。

提壺同上翠微游，暑氣秋中尙未收；到眼齊煙還九點，驚心魯道已三周；
儘多名士終何用，差笑愚公欠自謀；莫倚危岑太遠望，箕封新沒海東頭。

「註」魯道

謂膠濟鐵路事

愚公

列子：愚公移山。

箕封

周武王封箕子於朝鮮。

元年十月廿五夜在楚同兵艦適卅九生辰感賦

黃興

卅九年知四十非，大風歌罷不如歸；驚人事業隨流水，愛我園林想落暉；
入夜魚龍都寂寂，故山猿鶴正依依；蒼茫獨立無端感，時有清風振我衣。

「註」猿鶴

抱朴子：「周穆王南征，一軍盡化，君子爲猿爲鶴，小人爲蟲爲沙。」

和譚石屏作元韻

黃興

懷錐不遇運終窮，露布飛傳蜀道通；吳楚英豪戈指日，江湖俠氣劍如虹；能爭漢土爲先着，此復神州第一功；媿我年來頻敗北，馬前趨拜敢稱雄。

「註」懷錐

戰國時，趙平原君謂毛遂曰：「夫士之處世，譬若錐處囊中。」

二年元旦祝民國日報

黃興

萬家簫鼓又宜春，婦孺歡騰楚水濱；伏臘敢忘周正朔，輿尸猶念漢軍人；飄零江海千波謫，檢點湖山一磊新；試取羣言閱興廢，相期牖覺副天民。

「註」天民

孟子：「天之生斯民也，使先知覺後知，使先覺，覺後覺，予天民之先覺者也。」

遊滇藏作

居正

字覺生，湖北人，追隨國父革命，民國紀元，任內政部長，嗣任參議院議員，內政部總長，司法院院長，兼最高法院長司法行政部長。

世界共和生不逢，扶搖搏翮傲天空；餘生不願終臣虜，旅夢無從遂霸戎；
金鉢託窮煙塞外，鐵鞋踏破海天東；雲游怕上岷崙頂，破碎山河入望中。

丁未季春贈胡淵如

嚴復

字幾道，號又陵，福建侯官人，曾任復旦公學監督，北京大學校長，博通中西文學，譯書甚多，最著名有天演論，原富，法意等書。

誰是讀書真種子，胡生天質美璠璵；一身初不關朝市，兩耳何曾掛毀譽；
易說紛綸規道要，詩篇組織見機初；由來孝弟根天性，豈獨無營似仲車。

祝童潔泉先生七十壽

孫文

階前雙鳳戾天飛，覽揆年華屆古稀；治國安民兒輩事，居仁由義我公徽；
王槐花照瑤觥讌，竇桂香凝綵舞衣；所欲從心皆絜矩，蘭孫繞膝慶祥暉。

『註』兒輩

長子杭時，任參議院議員兼大元帥府參議。次子濟時，任大理院庭長兼代大理院長。

王槐

王祐手植三槐於庭曰：『吾子孫必有為三公者。』

竇桂

竇燕山教子成名，世稱『竇氏濟人，高折五子之桂。』

所欲從心

論語：『七十而從心所欲不踰距。』

絜矩

大學：『此之謂絜矩之道。』

佳期

于右任

陝西人，追隨國父革命，民國紀元，任交通部次長，嗣任民立民權各報主筆，國民政府監察院院長。

寒氣偏侵玉女扉，佳期不定不如歸；
惠莊階下鵝鷓笑，王謝堂前燕子飛。
暗擲金錢何事卜，都成眷屬莫相譏；
幾生修到生生福，一寸相思寸寸非。

鬻體

于右任

千齡萬代盡何言，丘壟微聞鬻體喧；
黯黯長河韜列宿，茫茫白日下中原。
征南又入封侯夢，降北莫呼上將冤；
天喪應劉吾喪我，人生到此道甯論。

「註」天喪應劉

謝莊月賦：「陳王初喪應劉。」

吾喪我

莊子齊物論：「今者吾喪我。」蓋言人之自忘也。

天道

于右任

劍懸荒壟悵如何，天道蒼茫吞恨多；
白骨青燐孤寡淚，黃旗紫蓋帝王歌。
金錢誘敵輸勾踐，草詔欺人下尉佗；
若告偕亡吾亦願，恩仇種種指山河。

同漁父作

于右任

勾踐執戈爲洗馬，蘄王釋甲竟騎驢；
新蒲新柳居然大，人虎人龍更不如；
風雨多愁招故鬼，湖山有幸繼精廬；
最憐王素焚書僂，忽羨劉伶託酒車。

詠孫菊仙

于右任

堂堂旗鼓皤皤老，鬱鬱精神浩浩歌；
一世知音能有幾，百年得譽不須多；
天生瑜亮非眞敵，黨籍牛羊息沸波；
倘向孫郎詢伯業，途窮墮淚唱黃河；

西湖桃源嶺小隱

桃源嶺，在杭州西湖，沿湖濱過徐烈士墓岳鄂王墓，直達該嶺，水流花放，風景極佳，地近靈隱。

童杭時

西湖泛棹樂餘年，不管政潮慣變遷；
策杖吟詩徐墓畔，騎驢弔古岳坟前。
六橋風景渾如畫，三竺谿山別有天；
小隱桃花源嶺上，一蓑雲雨半窻煙。

贈黃公度

飲冰室詩話，評是詩謂唐宋人集中，罕見倫比。

陳立三

千年治亂餘今日，四海蒼茫到異人。欲挈頽流還孔壘，可憐此意在埃塵。勞勞歌哭昏連曉，歷歷肝腸久更新。同倚斜陽看雁去，天迴地動一沾巾。

題東歐女豪傑代雨衣女士二首

梁啓超

磊磊奇情一萬絲，爲誰吞恨到蛾眉。天心豈厭玄黃血，人事難平黑白棋。秋老寒雲盤健鶻，春深叢莽殢神魑。可憐博浪過來客，不到沙丘不自知。天女天花悟後身，去來說果復談因。多情錦瑟應憐我，無量金針式度人。但有馬蹄懲往轍，應無龍血洒前塵。勞勞歌哭誰能見，空對西風淚滿巾。

詠松 迴文

章炳麟 太炎

龍飛有路繞風標，鬱鬱推奇蓄古條。濃翠挹霜隨衆遇，老蒼含露任羣超。容真表氣佳枝秀，節勁帶來雅浪潮。冬暮傲姿因甲秀，松年萬壽上干霄。

題黃花岡 二首

蔡公時

係追隨國父革命老同志，任山東交涉員時爲日人所殺。

五百健兒齊遜去，三千子弟不生回。見明義禮真奇勇，能轉乾坤乃霸才。
詞客愁隨荆棘長，英雄血和杜鵑開。諸君憑弔須斟重，不抱丹心莫錯來。
芳香一掬奠荒丘，陌上風雲尙未收。鵲鳥紅啼珠海血，岡花黃作燕塘秋。
戰餘骨肉皆功狗，劫後衣冠半沐猴。七十二人留坏土，昔年今日已埋愁。

感遇

馬君武

廣西人留學德國工學博士，曾任工商部次長，工商部長，廣西大學校長。

刻意修容貸駝羽，甘心輟食炙麟羹；小園蝴蝶傷離別，列國螻蟻有戰爭。
雙樹止鶯成短夢，千潭映月證深情；死生流轉何時已，歷劫分明悟總因。

久雨試晴

張琴

字治如，別號石匏老人，福建莆田人，清翰林院編修，工詩善畫，民國衆議院議員，莆田修志局局長兼總編纂。

風雨消除大半春，朝曦纔喜放新晴；爲人辛苦鳩姑婦，與我周旋石主賓。

一片湖光竟欲醉，百重花氣麝成塵；未應退老無供養，卽此山林是幸民。

和鄧孟碩祭橋陵作

馮自由

廣東人，追隨國父革命，民國成立，任稽勛局局長，嗣任參議院議員。

一從鼎嶽馭龍飛，胄號神明嘆式微；幾代衣冠淪左袵，卽今文物蔽蚩旗；
恥供羊豕存告朔，誰射金烏退烈暉；孝子賢孫零落盡，豈無秦士賦無衣。

次和陳蓼楚丁丑除夕有感 二首

馮自由

時難春回恨轉生，那堪輿籍色紛更；毒龍未悔玄黃戰，猶鬼於今晝夜行；
底事勛臣多鄭袖，幾聞義士起田橫；來朝虎嘯開天運，雪恥興秦有孟明。
爆竹無聲百感生，寒梅月上又三更；屢聞害蠹來汪直，不信攘羊有許行；
孰令銅駝陷荆棘，忍教胡騎日縱橫；揮戈直指扶桑會，上野櫻花照眼明。

「註」孟明

名視，秦穆公使伐鄭，晉人敗之於殺，後三年，復伐晉，又敗於彭衙，次年伐晉，濟河焚舟，取王官及郊，晉懼不敢出，遂霸西戎。

銅駝荆棘

銅駝如馬形，晉書索靖

傳：「靖有先識遠量，知天下將亂，指洛陽宮門銅駝歎曰：『會見汝在荆棘中耳。』」

先室陳夫人逝世十週紀念 四首

王用賓

字太莊，山西人，曾任參議院議員，立法院委員，考選委員會委員長，司法行政部部長，公務員懲戒委員會委員長。

累載無詩可弔卿，崑原宿草已縱橫；墓門坊表不暇記，僧寺醮齋今始營。
家境艱危身受盡，兒曹長大目先瞑；悲歡離合都如醉，底事一朝酒又醒。
臂上早除淺黑紗，眼中猶墮淚如麻；一棺慟絕法源寺，萬馬難迴歇浦車。
季女字人恠短命，雖孫學語解呼爺；向平欲了歸山願，又聽邊城日暮笳。
封就巾箱未忍開，房空月冷尙餘哀；感傷潘岳情難已，曠放蒙莊痛可猜。
倏忽十年眞夢過，死生一事總心灰；俸錢散盡猶如故，贏得莖莖華鬢摧。
百思無計老漁樵，時事急如風雨漂；蔬膳槐薪思澹泊，繩牀經案守清寥。
叢蘭庠序成行列，雙梓職名附國朝；泉下有知堪告慰，當初辛苦未全銷。

詠茉莉

蔡元培

爲何冉冉坐旁香，緣有茉莉在我房；氣與芝蘭同臭味，瑞同蕙莢卜嘉祥。

輕裁玉蘂送詩興，笑插冰姿助夜涼；雅韻孤標真可愛，晝眠清夢也芬芳。

祝陳庸公六秩壽

庸公名蓉光，福建惠安人，曾任衆議院議員，鐸聲報主筆，惠安縣長，廈門商埠督辦。

童杭時

少時飽學裕經綸，壯歲立言自有真；國會陳詞驚友輩，鐸聲秉筆醒羣倫。
螺陽湛露多遺愛，鷺島清風不染塵；花甲而今周復始，八千大壽頌靈椿。

『註』螺陽即惠安。

鷺島即廈門。

重慶

鄒魯

水環三面據山岡，形勢天然鎮四方；憑險一夫堪敵萬，臨江數路可通航。
太王避狄會遷徙，勾踐亡吳在臥嘗；成旅猶能再興夏，旌旗千萬慶重光。

『註』再興夏

夏寒泥篡弑帝相，相后緝方娠，逃歸有仍，生少康，及少康長，夏舊臣靡卒衆編成軍旅，滅寒泥，迎立少康，夏室中興。

和鄒委員重慶詩

童杭時

地憑天險據崇岡，三面瀕江貫八方；屹峙夔城斜落日，崎嶇蜀道直通航。
心存救國薪堪臥，志在復仇胆也嘗；他日樓船從益下，金陵故土慶重光。

「註」

唐劉禹錫詩：「王濬樓船下益州，金陵王氣黯然收。」

其二

陳保焯

福建人，曾任福建高等法院第二分院首席檢察官。

江流兩岸夾巒岡，避寇原兼禦侮方；百戰石頭旛不豎，千秋蜀道葦難航。
河山半臂腥羶染，冠蓋長途險阻嘗；他日喜傳收薊北，詩成杜老作邦光。

弔雷參議員卜葬

參議院議員雷煥猷，字子嘉，福建人，當曹琨賄選時，出京語人曰：「不願鬻身賄選，寧爲窮死歸田。」

童杭時

同參議席十餘年，不屈不淫志節堅；若使鬻身成賄選，甯爲窮死早歸田。
誰教救國無當任，贏得生兒克象賢；
子壽彭，品學兼優。會長閩省議會及禁烟局。

枚卜東郊安吉壤，愴

懷老友涕漣漣。

視察閩西歸詠

童杭時

我到榕城已四年，者番視察閩西邊；

上年視察，在閩南閩東閩北。

兩週不雨叨天幸，

閩西沿山公路，逢

雨不能行，此次在途，兩週不雨。

各地歡迎賴衆緣。萬壑千山經處處，清流急湍聽潺潺；循行

南國求民隱，折獄還期無訟賢。

論語註：「子路折獄，未使無訟，孔子又言必使無訟。」

和童院長歸詠

鄭祖蔭

字蘭生，福建閩侯人，中國國民黨福建省黨部主任委員，福建光復中學校校長。

亂離烽火感頻年，除暴何人出撫邊；理獄有聲歌載道，行旌共喜衆多緣。
羣山都向車前碧，流水如迎杖側潺；此日西巡經處處，黎民咸仰使君賢。

其二

童魁楓

福建連城人，工詩文，爲福建連城耆紳，任連城縣修志局總編纂。

柴戟遙臨驛路通，閩西轉轍自閩東；循行爲悉人民隱，咨度都忘岱岳崇。

棠蔭鬱葱承湛露，蓮峯草木被春風；仁恩不僅宗盟感，到處謳歌到處同。

其三

郭炳璋

福建閩侯人，福建高等法院檢察官。

戾止閩疆越四年，官閒訟簡到吟邊；不冤爭頌于公德，相對忻聯許椽緣；浮世忍施刑種種，罪民爲泣涕潺潺；漢廷酷吏殊多事，化洽蒲鞭始算賢。

其四

左賦才

字雲凌，湖南人，閩侯地方法院院長。

澤布民間已四年，巡行廉訪到閩邊；下車解網施仁政，按俗觀風結衆緣。爲國勤勞甘跋涉，賞心清醒聽流潺；他年棠蔭留遺愛，載道歡聲逾昔賢。

其五

俞履安

浙江蕭山人，福建閩侯地方法院庭長。

陳臬閩疆閱四年，刑清政簡德無邊；循行冠廡平清讞，稅駕劍津證夙緣。

法曜遙臨光炯炯，廉泉逸響水潺潺；老成謀國孚羣望，吾黨主盟蓋世賢。

『註』冠廬

音多，閩西名山。

劍津

閩西北大川。

主盟

民國九年總理派童院長爲中國國民黨浙江主盟人，領導同志宣誓入黨。

其六

林建

福州人，福建建甌地方法院院長。

公宦吾閩業四年，德猶左海共無邊；周巡不厭崎嶇路，一見都如夙昔緣。
天眷辛勞晴杲杲，水憐高潔響潺潺；春風到處山含笑，凡我國人皆曰賢。

宜川道中

于右任

隱隱黃河線一痕，馬前東望日將昏。風雲管塞連秦塞，波浪龍門接孟門。
高祖山頭餘破廟，將軍臺下只荒村。川原如錦人如醉，徧地花開不忍論。

祝孫庸齋與夫人百齡合慶

庸齋五十五歲。夫人四十五歲。俱擅吟咏。

王用賓

詩家眷屬是神僊，偕老恰當二百年；交互乾坤重大衍，兩明日月合雙懸；

介觴題奏同聲曲，臘鼓催開並蒂蓮；秋共聯吟春共醉，貫珠歷歷一千篇。

芍藥

王用賓

絳霞爲佩錦爲裳，綽約仙人下玉堂；金帶圍成全作相，朱欄收取可稱王；

元微之咏牡丹句。

「收取朱欄一片紅。」

醉拖焚尾延春色，嬌在枝頭壓衆香；二十四橋何處是，依

稀煙月護宮裝。

祝許靜仁六十壽

許名世英安徽人，曾任司法部總長，國務總理，福建省長，中華民國駐日大使。

徐謙

四海論交壯矢弧，九洲把臂共長圖；聲名自是高廚及，

八廚八及，漢黨人，有聲名。

彌直猶

堪繼典謨。在野爲霖羣屬望，趨庭舞綵老多娛；詩賡愷弟宜遐福，耆壽從

君進百壺。

關陵

在當陽葬關壯繆之體，其首係葬于洛陽。

鄒魯

誰云成敗定英雄，千載人豪總讓公；完義何須計完體，成仁原卽是成功。
徙都魄已褫曹賊，聚鐵陵應鑄呂蒙；漢業不興胡禍啓，松濤終古怒號風。

中秋夜登樓有感

四首
並序

癸亥中秋之夕，偕友數人，登樓眺月，競言往事，以爲樂；偶翻舊篋，得丁未中秋有感七律四章，相與誦讀一過，往事重提，感何能已；爰再賦四章，仍疊原韻，非敢言詩，聊以言志云。

沈儀彬

玉露飄零秋氣深，天涯多難怯登臨；征人驚起城頭角，離婦敲殘野戍砧。
明月入簾何皎潔，西風吹夢任飛沉；開窗愁見芭蕉巷，難比吳儂一寸心。
國事蝸蟻正未央，踟躕搔首繞修廊；十年征戍蟲沙劫，千里蕭條黍稷荒。
未遇驩臨愁伯樂，願借彭澤隱柴桑；感懷往事情何已，曷敢歌詩學楚狂。
人定由來或勝天，振聲發聵在何年；風過不必潮能起，薪盡何妨火尙燃。

東園香沉人靜後，西樓歌罷月初圓；九州苦樂殊紛擾，千里登臺共素娟。
何處桃源可卜居，舉杯我欲問蟾蜍；多財適足平生累，有子惟傳一卷書。
醉裏題詩能寫志，月中看菊淡何如；夜涼清露侵羅襪，風過微香惜玉蕖。

「註」玉露

杜工部秋興詩：「玉露凋傷楓樹林」

踟躕

猶躑躅也，詩經靜女篇：「愛而不見，搔首踟躕。」

西樓

韋應物答李儋詩：「西樓望月幾回圓」

桃源

避亂之地，陶淵明桃花源記：「先世避秦時之亂，率妻子邑人，來此絕境，不復出焉。」

洪山聽松

童杭時

浙江剡谿人，追隨國父革命老同志，曾任國民黨主盟人，工詩善篆。著有積厚軒義論策，枕谿詩稿。

洪山喬木似游龍，幾度濤聲入晚鐘；傾耳聽音如萬壑，登皋舒嘯撫孤松。
凌雲夙具堅貞志，抗日常標勁節容；聚集九仙同枕月，琴床子落露華濃。

詩言志

童杭時

高吟朗唱阿儂詩，省識無邪是我思；底事安懷明素志，願教山水卜相知。

揚風托雅心之好，淑性陶情意在斯；歌詠而歸信可樂，暮春風浴正相宜。

「註」暮春風浴

論語曾點言志：「暮春者，春服既成，冠者五六人，童子六七人，浴乎沂，風乎舞雩，詠而歸。」

圍棋勝敵

韓錦霞

運籌帷幄原兒輩，決勝端資謝傅棋；幾着神機摧大敵，多方妙算退雄師。
當年半壁河山破，此日中原鼓角悲；世事茫茫如一局，掃平強虜未爲奇。

答章孤桐贈句

王用賓

長沙定傍賈生祠，文采風流又一時；所學未行言亦可，審音而外政安知；
幽并句有風沙色，屈宋文多婉約詞；劍已不成書更廢，雕蟲非必壯夫爲。

祝薩上將八秩壽辰

薩上將鎮冰，字鼎銘，福建人，曾任內閣總理，海軍總司令，近向南洋募債，赴前敵犒師。

童杭時

是翁矍鑠好精神，八秩高年慶壽辰；上將勳名垂不朽，三山民衆盡懷仁。

南洋募債得鉅款，前敵犒師豈後人；頌獻鶴籌添海屋，九如天保福無垠。
壽翁銅士七十時，日寇上海

徐謙

蓬鬢相看七十翁，多君詩筆尙能雄；才非國士慚知我，學有師承敬讓公。
殺敵更須却少壯，請纓未敢後終童；寄書郵傳愁難達，他日重逢戎馬中。

廿六年中秋夜登黃鶴樓望月

俞鳳韶

字寔澄，浙江人，辛亥浙江光復，任浙西軍政分府都督，嗣任衆議院議員，中國銀行副總裁，禁烟督察處副處長，廣東省禁烟督察處長。

此月此樓當此夕，婆娑老子且登臨；一規不缺山河影，萬古常存天海心。
燈火光芒楊子渡，烟雲掩映漢陽林；憑闌極目窮千里，無盡蒼茫夜氣深。

六十生日書懷 錄四律之一

俞鳳韶

烽烟歷亂徧人間，始俑東方禍首頑；定虜何須家祭告，衰年贏得國魂還。
千村萬落痛成莽，百戰三年難撼山；此事是非都不管，一聞捷報一開顏。

己卯秋日養疴香島有感

馮自由

閒攜稚子放風箏，小犬相隨逸興增；此是老夫新意趣，渾忘濁世舊勛名。

管甯割席彌持節，

民十四因反對容共，被汪精衛提議開除黨籍。

范蠡扁舟自適生；

民十八余赴哈爾濱經營墾殖，至九一八後始離東三省。

回

首鄉關烽火遍，漢家何事失陳平。

雨後晚行

呂志伊

連朝陰雨滿春城，萬里羈人苦晚行；山繞寒烟昏樹影，灘撐危石咽江聲。
螢飛草岸星疏落，犬吠花村月半明；暫困泥塗何所辱，爲霖志在濟蒼生。

贈童院長

名杭時，字枕谿，浙江人，福建高等法院院長。

張琴

福建莆田人，工詩善畫。

軺車兩度過蒲陽，鬢髮頻添夕氣蒼，但見飛颿驅海嶽，頓教甘雨潤桁楊。

致君讀律兼儒法，中酒豪情雜聖狂；我爲山靈齊獻壽，嶺松巖桂共秋霜。

「註」桁楊

械繫之具。莊子在宥篇：「桁楊者相推也，刑戮者相望也。」

其二

陳庸公

蓉光福
建惠安

代議席前聆綽綸，剡谿山水出才真；服官猶本書生色，教子多成大雅倫。
閩嶠訟庭餘政績，香江釣畔望清塵；卅年國士凋零半，碩果同君視老椿。

其三

吳芝春

福州
耆紳

未識荊州半面緣，松梅氣節見清廉；訟庭花落頌聲滿，園宅蓬生戴德全。
憂國一歌鳴酒次，愛民數語寄詩篇；買絲繡出萬家佛，敬祝先生享大年。

其四

吳芝春

理平清讞柏梁臺，讀律讀書幾百回；杯酒未經延客坐，尺箋擬向索詩來。

清明自是好官政，風雅遙傳名士才；但望拋磚能引玉，敢求片錦惠荒齋。

其五

葉侃

福建閩侯人，曾任閩侯地方法院看守所長，代理福建第一監獄典獄長，著有詩詞文集。

縣立法曹歷四年，

福建各縣訴訟，舊由縣府兼理，自童院長到任後，設立各縣司法處，司法權獨立。

柏臺清讞德無邊；

福建舊有積案，童院長嚴令

清理，嗣後統計表列，結案日多，積案日少，至無積案。

虞廷考績稱優異，

去年司法行政部，三年考績，認童院長成績優異，紀功在案。

閩嶠歌功徧

萬千，

閩紳商學各界領袖薩鎮冰等，獻德被八閩區，徐世俊等登報頌德政。

偏僻山陬親按察，凋殘院落煥鮮妍；

閩各法院，前均殘

破，童院長均大加修理，煥然一新。

改良獄政罪民感，監犯狂呼冠世賢。

童院長辦理管獄員訓練所，將管獄員分期調訓，令擴清管獄積敝，有

一日視察閩侯監獄，有監犯黃三佛高聲狂呼「童青天萬歲，並雙手羅拜。」

其六

童魁楓

福建連城人，連城縣修志局總編纂。

剡溪望族舊家聲，共識專門律學精；訟聽法庭鴉自化，議參國會鳳會鳴。

甘棠留作千秋蔭，才藻常教四座驚；海內人皆瞻泰斗，豈徒宗祐仰高名。

「註」宗祐

晉石，左傳莊公十四年：「先君桓公命我先人，典司宗祏。」

鄉心新歲切

張才斌

昨夜東廚醉鼃神，今朝大氣轉洪鈞；一聲爆竹符除舊，數點梅花物換新。
獨感輪蹄爲異客，誰憐風雪未歸人；夢行楊子江南北，柳眼偷看又是春。

悼亡

何氏素娥逝世，已七週，俗作斷七，作此詩誌哀。

童杭時

永別紅塵已七週，悲傷刻刻在心頭；廿年四德卿皆備，九月濃霜我隱憂。
兒女五人親撫養，儉勤二字確兼收；聰明不作驕矜態，貞靜幽嫻實寡儔。

賀弟新年生兒

舍弟濟時，司法滬上，產子適新年，作此詩以賀之。

童杭時

律呂調陽瓜瓞繇，屠蘇進爵樂陶然；祥呈葢莢迎春轉，頌獻椒花祝凱旋。

再造中華更始日，復興民國萬斯年；提燈喧鬧弄璋慶，最是人生快活天。

抗戰八詠

選二（一）七十初度詠于滄城，
（二）七十一初度詠于昆陽。

褚輔成

號慧僧，浙江嘉興人，光復時任浙江政事部長，嗣任國民黨浙支部長，衆議院副議長，浙江民政廳長，兼代浙省政府主席。

檢討前愆貢獻微，難論今昨是和非。犁牛有子何庸舐，勞燕終身不倦飛。
半世功名議會誤，五年抗戰異鄉依。人生七十尋常事，敢向親朋誇古稀。
一別昆湖廿四年，重游萬物迥殊前。傷懷舊雨多零落，撫鬢新霜欲蔓延。
平準史書空讀了，謫居蠻地亦怡然。田園蕪久歸心切，當許來秋奏凱旋。

浦城左遷甯洋感賦 二首

林超塵

去住無關信自由，浦城山水且勾留；不堪回首京華夢，
忽五載，今新都淪陷，不勝今昔之感。無限傷心梓里愁。
故鄉迭遭敵機轟炸，損失慘重，聞之惘然。世事滄桑成幻象，
昔任首都女子法政教員，來閩時，諸生推代表挽留，忽人生富貴等浮漚；茫茫宦海風雲亟，壯志何時始可酬。

風塵僕僕感年華，到處爲官到處家；松不爲寒凋勁節，梅因破臘吐新芽。
宦途遲滯緣妻病，國步艱難祇自嗟；何幸諸公多藻飾，
眷懷夢筆感無涯。

夢筆山，在浦城西門外
爲先賢江文通公遺蹟。

奉調令到，各法團聞訊，電
省挽留，中有精明廉潔句。

避暑牯嶺釣魚

林 森

字子超，福建人，曾任參議院議長，
福建省政府主席，國民政府主席。

閒來垂釣柳陰邊，好趁斜陽雨後天。碧草重重魚隊隊，清風拂拂水涓涓。
靜看濠濮生機活，默念尼山道力堅。一曲漁歌詩一篇，歸來視我也如仙。

祝賀侯六十壽

贊侯姓李名思浩，浙江人，
曾任鹽務署長，財政部長。

許世英

字靜仁，安徽人，曾任司法部總長，
福建省長，國務總理，駐日本大使。

前度春明夢未消，杖鄉齒德尙當朝；心存射虎情彪炳，家世猶龍溯沅寥。
藕孔藏身滌俗慮，橘中袖手聳天驕；博施濟衆都餘事，正爲冰霜讖後凋。

「註」杖鄉

禮記：「六十杖於鄉。」

沈寥

沈音決，沈寥，曠蕩空虛也，楚辭九辯：「沈寥今天高而氣清。」

其二

張一麀

字仰仁，江蘇人，曾任教育總長，現任國民參政會參政員。

致柔老子學嬰兒，六十年華似少時；乘馬新書關國計，猶龍佳氣畏人知。
棲蹤香海餘琴劍，擊楫中流警鼓鼙；日月河山終不改，南飛一曲祝期頤。
慰勞前方將士

鄧青陽

廣東人，追隨國父革命，辦理黨務，任中國國民黨中央執行委員。

萬衆桓桓氣若虹，惟能殺敵是英雄；閨中不作封侯悔，堂上咸知報國忠。
歡躍同傾新蠟綠，激昂齊唱滿江紅；頻年馳騁關山路，終見倭氛降海東。

「註」封侯悔

王昌齡閨怨詩：「悔教夫婿覓封侯。」

報國忠

岳飛事母孝，家貧力學，母助以精忠報國，應募戰士，隸宗澤部下，屢破金軍，高宗手書「精忠岳飛」四字，製

旂賜之。

祝王儒堂先生六秩雙慶

儒堂名正廷，曾任參議院副議長，外交部長，駐美大使。

中華民國詩三百首

卷四

七律

九九

童杭時

同參議席在當年，轉瞬滄桑幾變遷；甲籙重新輝舜日，壬林集嘏頌堯天。
中樞歷長外交部，北美會揚大使鞭；福祿鴛鴦兼鶴壽，三多華祝實皆全。
雨香府君百歲誕辰及逝世六十周紀念 二首

童杭時

降世芳辰纔一紀，昇天花甲已重周；滄桑時事經千變，幻夢吾身罹百憂。
祝嘏偏逢多國難，奉觴彌愧少珍羞；曾孫萊綵階前舞，歌唱光陰似水流。
百歲光陰似水流，人生世上等浮漚；美人芳草易遲暮，今是昨非勇退休。
六秩年華猶轉瞬，一場春夢溯從頭；而今小憩山林道，回首家鄉我思悠。

『註』美人

楚詞：以喻君者，「恐美人遲暮，」以自喻者，「送美人兮南浦。」

今是昨非

陶淵明歸去來辭：「覺今是而昨非。」

催速赴渝就新職

催童枕谿赴司法部就新任。

林超塵

一著先鞭競上游，珠江風月莫長留；剡溪奇氣鍾英俊，魯殿靈光射斗牛。

夙願出山爲黨國，漫將遜世等浮漚；
新京此去無多遠，行見飛騰萬里秋。

『註』魯殿

魯靈光殿也，漢時建立，漢室中微。盜賊奔突，自西京未央建章之殿，皆被毀，而靈光殿獨存，後因借稱老成碩德繫衆望而僅存者。

對於營甫院長去後思念

張才斌 寄自福建
高等法院

驪駒聽罷不吟詩，港水滌洄夙夜思；
重啓舊箱搜雅詠，每懷高誼感真知。
一言一行皆堪則，仁聞仁心尙在斯；
蔽芾棠陰休憩處，相期勿翦似前時。

悼蔡子民先生

蔡先生在剡山書院掌教，余親受業，嗣先生任北京
大學校長，南京教育部長，監察院長，研究院長。

童杭時

心喪三載念先師，救國二言

先生遺言，「學術
救國，道德救國」

萬世規；遽返道山難自料，常昭

德範令人思。兩京政教無儔匹，一代耆英共仰之；
既固既安 先生爲先父題墓額
字：「既固既安。」
遺墨在，我今回首益心悲。

哀失戀

王映霞女士，郁達夫之妻也，在星洲旅次，與
達夫離婚返國，達夫仍留星洲，哀感而作。

郁達夫

浙江人，夙長文學，以編小說著名，爲創造社巨子，曾任福建省政府秘書，以不願過政治生活，去星洲作報館主筆。

自別銀燈照酒卮，旗亭風月惹相思；
忍拋白首盟山約，來譜黃衫小玉詞。
南國固多紅豆子，沈園差似習家池；
天公大醉高陽後，可是傷春爲柳枝。

悵望南陵

邵力子

天涯遙望雁南飛，棘沒銅駝未忍歸；
四壘烽煙何黯淡，千年文物尙依稀。
鐘聲滴碎秦淮雨，月影淒迷燕子磯；
惆悵六朝金粉地，故宮禾黍送斜暉。

『註』燕子磯

在南京，因有石磯之形如燕子，故曰燕子磯。

遷居九龍洗衣街陳宅四樓

童杭時

下榻元龍百尺樓，依然藏拙若居鳩；
琴書相望擇鄰處，機杼傳聲教子謀。
別館砧寒閨裏月，愁思腸斷客中秋；
西風殘照音塵絕，陡切鄉心悵遠游。

民國卅年元旦感懷

童杭時

民國紀元已卅年，可憐時局尙紛然；復興可卜方開始，勝利相望卽在前；
疇昔青春成白首，當初後學着先鞭；昨宵爆竹驚殘夢，天畔鄉思幾度纏。

「註」天畔鄉思

唐劉長卿詩：「鄉心新歲切，天畔獨潸然。」

夢後感懷

何氏素娥，適余廿二年，前年溘逝，余甚眷念之，昨宵夢見，如生前青年時狀，相對甚歡，夢醒因賦四律。（連環格）

童杭時

浮生本若夢中人，夢裏見卿不啻真；巫峽鴛鴦同戢翼，秦樓鸞鳳兩相親。
靡蕪山下三生幸，豆蔻梢頭二月春；留枕宓妃情意切，當年惟肖好丰神。

「註」靡蕪

漢古詩：「上山採靡蕪，下山逢故夫。」

宓妃

洛神賦序：「黃初三年，予朝京師，還濟洛川，古人有言，斯水之神，名曰宓妃。」爲宓犧氏之女。又說：魏東阿王曹植求甄逸女不

遂，嗣女死，植自京還，息洛水上，忽見甄女來，自言此枕，今與君玉，用薦枕席，言畢不見，植遂作感甄賦，後改爲洛神賦。」

當年惟肖好丰神，蓮駕遙臨自在身；我我卿卿情意樂，婷婷嫋嫋德音真。
麝熏微度芙蓉帳，鏡照仍攜錦綉巾；重見何煩方士術，唐皇漢帝溯前原。

「註」麝熏

唐李商隱詩：「麝熏微度繡芙蓉。」

鏡照

何氏生前，有照鏡相片，手中攜錦綉羅巾，故鏡中相，亦手攜羅巾。

方士術

昔漢武帝因李少君死甚念，唐明皇因

楊太真死甚念，欲夢見不得，命方士用幻術招致少君太真，因得重見。

唐皇漢帝溯前因，重見少君和太真；他則夢中曾不入，我嘗夢裏得相親。淑姿彷彿當前態，雅意依稀自在身；桃笑春風珠返合，閨中月照掌中珍。

「註」返合

合浦地名，產真珠，舊說：「廉珠返合。」

閨中月照掌中珍，正憶秦娥夜復晨；蝴蝶紛飛原是夢，河梁永別已成真。生涯落寞思蓬島，詩興酣濃賦洛神；何日女牛天作合，鵲橋再渡見斯人。

「註」憶秦娥

秦娥，春秋時秦穆公之女也，名弄玉，其夫蕭史，想念之甚切，唐李白，作有憶秦娥詞。

蝴蝶夢

唐李商隱詩：「莊生曉夢迷蝴蝶，崔塗詩：「蝴蝶夢中家萬里。」

河梁

漢李陵詩：「攜手上河梁，遊子暮何之。」

戰場佳話

某軍部駐節湖北之新市附近，地臨汨羅江畔，雜花生樹，羣鶯亂飛，新牆前線，平靜無事，參謀長田西原氏，于運籌帷幄，決勝千里之餘，不免時作郊外遊，田對舊文寧，頗具基礎，尤擅吟詠，遇有新作，不置案頭，即懸壁間。駐節地，房東有一女，年甫及笄，因戰事輟學

居，亦擅吟詠，慕田才學，于窺得田壁間新作後，偶戲步原韻，和以寄之，田得和詩甚喜，自茲月下花間，此唱彼和，共樂怡怡，閱三月遂結禱，茲錄其七律四首（陽春調）

田西原

分符按壘靖烽烟，一劍光騰萬里天；豈有閒情縈粉黛，居然大雅屬嬋娟。
澧蘭沅芷江山艷，白雪陽春姓字研；佳話英雄兒女事；和風引玉到藍田。

〔註〕澧蘭沅芷

楚詞九歌湘夫人篇：「沅有芷兮澧有蘭。」

白雪陽春

楚辭：宋玉對楚王問：「其爲陽春白雪，曲高和寡。」

二月櫻花萬象新，依依楊柳正宜春；況當南國標梅日，却憶謝家詠絮人。
艷骨柔腸應冠世，清辭麗句必爲鄰；多情寄向芳菲節，文字姻緣信有眞。

〔註〕標梅

詩經召南「標有梅，其實七兮，求我庶士，迨其吉兮。」

詠絮

謝道韞管謝安之兄女，性聰慧，幼能吟詠柳絮作詩。

魚書已寄藍田道，今我從軍渡汨羅；只恐紅箋遲驛使，又勞青鳥報湘娥。
花開陌上春如醉，草綠湖南意轉多；桃李瓊瑤應不遠，仙雲朵朵降銀河。

〔註〕桃李瓊瑤

詩經，男女相贈答之辭：「投我以木桃，報之以瓊瑤。」「投我以木李，報之以瓊玖。」

殷勤再寄一枝梅，唐突美人亦怪哉；好夢連宵迷洛枕，游仙幾日到天台。

千戈未定難知己，文字多情最愛才；鴻鵠不如梁上燕，三春猶得近粧臺。

「註」天台

浙江天台山，毗連剡縣，漢時，剡西桃源鄉，有劉晨阮肇二人，出外同去採藥，窮山盡水而往，至日暮途迷，見山下溪水流處，有胡麻飯，劉阮知山上必有人住，循流水上，見山上桃花開放，風景美麗，果有人家，劉阮趨至，有兩美貌女子，歡迎笑曰：「妾等候君至久矣。」劉阮喜出望外，遂入投宿。

感賦

陳仿林

慘雨愁雲漫九州，秦關越海劫灰留；千家野哭驚風鶴，萬里硝煙犯斗牛。
齊有一城堪却敵，楚雖三戶可殲仇；何時痛飲黃龍酒，醉洗當年失地羞！

贈羅斯福總統

美國羅斯福第三次
接連被選大總統。

童杭時

洪水橫行徧亞歐，云誰克挽此狂流；救災夙仰恤鄰德，除暴常懷敷政優。
三疊卿雲歌盛世，萬方生佛頌遐陬；長蛇封豕能驅放，燦爛光華照五洲。

「註」卿雲

瑞氣也，史記天官書：「若烟非烟，若雲非雲，郁郁紛紛，是謂卿雲。」

封豕

大豕也，左傳定公四年：「吳爲封豕長蛇，薦食上國。」

回杭游湖

童杭時

杭州拋去已多年，世事滄桑幾變遷，冠蓋原非如夙昔，湖山猶幸若從前，小瀛洲外三潭月，靈隱岩中一綫天，舉目孤山隄畔望，梅花帶雨柳含煙。

移兵殖邊

童杭時

我籌國計與民生，呼籲殖邊第一聲，兵衆擬裁增匪盜，地荒不墾少經營。屯田自古稱良策，足食於今自得情，塞外人稀謀聚訓，金湯從此固長城。

奉答伍受眞

章士釗 行嚴

萬壑松環一壑尊，行秋無意到林軒。談詩却有平生感，避寇艱爲細席言。共喜交情從庾尹，莫傷國事託晉根。文章惟是無名輩，此意高生可與論。

書感

章士釗

避寇歸來鬢已凋，眼前歌笑總無聊，櫻蒲齒畔囊仍澀，簞笈書中蠹又驕，
在外八年空墮穰，入門三窟益飄搖，宵長偶動浮生感，起向燈前誦大招。

弔王魯瑤

沈鴻烈

浙江省政府主席，原爲書生從軍前輩，比年抗日山東，歷著戰功。

書生投筆習兵戎，看劍倚天振曠聲。奉使直探天極北，揚舲曾向海之東。
卽今誰憶歸遼鶴，曾寄弟詩踏雪鴻。若與放翁論晚福，輸君新見九州同。
還治後登西湖望湖樓

李春樓

字綠升，浙江東陽縣人，前任嶧縣地方法院院長，現任浙江高等法院推事。

八載干戈擾攘中，紛紛避難各西東。人心凶險強凌弱，天道循環窮與通。
到底應求廣聲氣，好教成敗論英雄。巍巍自有泰山在，土壤區區話素衷。

和登西湖望湖樓 步原韻

童杭時

抗戰八年國難中，流離遷徙各西東。臥薪賞胆辛兼苦，否極泰來運自通。
極目望湖談古跡，提壺把酒論英雄。登樓舊友重相會，道故歡然訴寸衷。

中華民國詩三百首卷五

五言絕句

岫雲

蔡元培

雲在層巖上，渾無出岫心；煙霞同嘯傲，泉石卜知音。

『註』巖上

唐柳宗元詩：「巖上無心雲相逐。」

出岫

晉陶淵明歸去來辭：「雲無心而出岫。」

岩泉

蔡元培

泉在層岩下，源頭活水清；出山嫌世濁，抱璞守廉貞。

『註』活水

宋朱熹詩：「問渠那得清如許，為有源頭活水來。」

出山

唐杜甫詩：「出山泉水濁。」

潼關

樊增祥

秦關茲第一，終古鞏金湯；雲氣成龍虎，山名說鳳凰。

綠珠

嚴復

情重身難主，淒涼石季倫。明珠三百琲，空換墮樓人。

待曉將別

王闓運

暫別愁消酒，深寒夜入衣；壁燈青向盡，曉樹綠如歸。

經史

夏同龢

清季狀元，字用卿，貴州人，民國衆議院議員，江西省實業廳長。

春秋經卽史，公穀傳爲經；經史原無二，何分涓與涇。

『註』卽史 孟子云，魯之春秋，其文則史。

爲經 公羊傳，穀梁傳，各爲十三經之一。

詩畫

夏同龢

依詩堪作畫，作畫輒題詩；詩畫原無二，何分派與支。

遊西湖飛來峯

謝持

字惠生，四川人，曾任參議院議員，中國國民黨四川主盟人，司法部次長，大元帥府祕書長。

奇煞西湖景，峯來不翼飛。別開天一綫，駕駛有神機。

子夜遊歌

張魯泉

山東人參議院議員，反對袁世凱稱帝，曾組織民軍起義聲討。

青青兮柳色，皎皎兮明月；子夜出門遊，清風多爽發。

海行

張善與

字天放，河南人，曾任衆議院議員，民覺雜誌月刊編輯。

大海汪洋闊，航行不見隄；水寬舟覺小，霧重恨天低。

戲題小孤山

對面彭浪磯，俗謂小姑嫁彭郎。

陳庸公

彭郎當快婿，江上自成家；濯髮瀟湘雨，塗脂采石霞。

「註」小孤山

在揚子江中心。

淵明歸田

晉陶淵明爲彭澤令，不願爲五斗米折腰，解印綬去職歸田，賦歸去來辭以見意。

童杭時

一笑歸田去；淵明懶折腰，不縈縉五斗；却愛柳千條。

小樓夜聽春雨

童杭時

小憇斯樓上，深宵正惱人；雨聲聽一夜，時節值三春。

「註」惱人

王荆公春夜詩：「春色惱人眠不得。」

出洞庭湖浮澧入江

王閻運

皋絡通千里，溟池望八荒；奔流終古壯，平水萬舟杭。

漢口舟夜聞雨

王閻運

漢口門前路，尋常慣獨行；復聽今夜雨，不似昔年聲。

代薄命二首

王闈運

妾命爲君薄，愁多未可輕；明春伴楊柳，乃是去年情。
半衾甘獨睡，孤月苦相明；不爲封候去，從來愛遠行。

采蓮歌六首

何諷

采采蓮花去，蓮花十里香；盈盈隔秋水，無語對斜陽。
已怯羅巾濕，難拋一段香；愛君與自愛，輕重費商量。
鄰家諸姊妹，雙漿去如飛；且莫連根採，蓮根有污泥。
江波清且澈，照見妾華容；不敢彈紅淚，心防妬毒龍。
蓮花今日好，游棹滿江圍；明日西風起，誰憐片片飛。
片片翩翩盡，翩翩逐水流；含啼千里望，不見一回頭。

出國赴歐

蔣方震

字百里，軍事學專家，
歷任陸軍大學校長。

涕淚辭京國，艱難作遠遊。遙知戰場苦，白了少年頭。

遊菲律賓濱古城

陳庸公

莫謂丸泥地，東南賴汝障；太平洋裏浪，方得化康莊。

「註」丸泥

丸泥，小也，漢書隗囂傳，請以丸泥封函谷關。

新歲思故鄉

韓錦霞

爆竹千家響，春回歲序新；深宵驚客夢，佳節倍思親。

歸隱湖上

童杭時

歸馬湖山上，放牛桃嶺中。騎驢堤畔過，清隱學韓公。

「註」韓公

韓世忠騎驢湖畔，號清隱居士。

西湖孤山放鶴亭

姜卿雲

浙江蘭谿人，中國國民黨浙江省黨部委員，浙江第三區行政督察專員兼保安司令。

鶴去亭猶在，梅開山不孤。林逋門外月，千古照西湖。

中華民國詩三百首卷六

七言絕句

平安館寄衣至滬

張 謇

孤樓獨坐夜寒天，檢點冬裘付使傳。若把心腸較熱暖，心腸暖過百重棉。

象島破佛座

龜中雜供濕婆淫物，遭劫全毀。

康有爲

藏寶崢嶸佛像嚴，一龕淨穢竟無嫌；而今閱劫同歸盡，只見疏林傍塔尖。

「註」崢嶸

(1) 高峻貌，後漢書班固傳「金石崢嶸」(2) 深邃貌，後漢書馮衍傳：「觀壺口之崢嶸」(3) 人才特出之義，杜甫詩：「邯鄲李錫才崢嶸。」

遊錫蘭那釐利

錫蘭山六千尺上平原，曰那釐利即佛講楞伽經處，風景絕佳。

康有爲

楞伽絕頂六千尺，罽書明湖翠壁開；繁柳繁花滿園路，不寒不暑好樓臺。

「註」罨畫

卷首掩，雜彩色之畫
曰罨畫見丹鉛錄。

勸阻女友從其出奔

梁啓超

後顧茫茫虎穴身，忍將多難累紅裙；卿看十萬頭顱價，遍地鉏麤欲噬人。

遊上海劉園見白蓮孤開 二首

嚴復

字幾道，號又陵，福建侯官人，曾任復旦公學監督，北京大學校長，博通中西文學，譯書甚多，最著名有天演論，原富，法意等書。

露筋祠外月初上，仙掌峯前風正清；欲采盈盈太孤寂，胸中長此玉崢嶸。

「註」露筋祠

唐時鄭荷花貞女露宿於郊而死，爲之立祠。

仙掌峯

華嶽東峯曰仙掌峯，漢武帝作柏梁銅柱，以仙人掌盤承露，比白蓮花如孤掌承露。

南薰無地嫁娉婷，手築盆池養夕馨；身怯九天風露冷，樓臺倒影浸秋星。

「註」娉婷

美好貌，陳無已詩：「當年不嫁惜娉婷。」

題林烈士奎遺詩

黃興

漢上風雲紀後先，中原光復倍淒然；不知何處長弘血，只剩遺編是昔年。

題昌化石篋

吳君遂，藏石甚富，既爲題匣，系詩嘲之，時新納姬人。

張 謇

幾年京洛吳公子，買石揮金未厭貧；亦幸尙饒花乳豔，不愁壁立對佳人。君能摹印偏工懶，日日高春尙愛眠；祇恐他年韓約素，人間無數印文傳。

遊日本贈藤澤南岳

張 謇

海色西來滿眼前，神山樓閣瞰吳船；誰知白髮松窓下，猶抱遺經說孔傳。

「註」說孔

藤澤南岳，爲日本最研究漢學者，至白髮時，每研究四書五經，手不釋卷。

鏡裏流光

蔣智由

紅樹青山繞畫樓，他鄉猶似故鄉秋；天容不變人情變，鏡裏流光看白頭。

瀟湘懷屈賈

蔣智由

瀟湘一碧天南水，屈賈何緣哀怨深；心在蒼生身被放，江楓沅芷總愁吟。

「註」沅芷

楚詞九歌湘夫人篇：「沅有芷兮澧有蘭。」

中秋無月

張錫鑾

字今頗，浙江錢塘人，曾任奉天都督，著有張都護詩存行世。

牢落天涯望止戈，和戎消息近如何？嫦娥未忍開明鏡，千里沙場戰骨多。

「註」牢落

文選司馬相如上林賦：「牢落陸離」善註：「牢落猶遼落也」韓愈天星詩：「天星牢落雞喔咿」亦遼落之義。

柳浪聞鶯

杭州西湖十景之一

湯壽潛

堤畔青青柳萬條，依依飛絮臥虹橋；黃鶯不管狂風浪，細囀歌喉伴舞腰。

「註」依依

詩經：「昔我往兮，楊柳依依。」

西湖泛舟

時在民國十四年秋，西湖泛舟作。

康有爲

紅樹青山好繫舟，西湖烟雨放中流；六橋柳色三潭月，一片秋痕入醉游。

『註』三潭

杭州西湖十景，有「三潭印月」。

題嘉陵驛

易順鼎

春風如夢草萋萋，萬里巴山更向西；不許行人頭不白，嘉陵江上杜鵑啼。

冬日山行 八首

樊增祥

雪地敲門借火烘，松皮燒火芋魁紅；行人爭及田家樂，細布香杭過一冬。」
咽咽臘鼓鬥冬晴，蘆蕪生兒半帶英；歲晚家家接新婦，紅薑紫菜喜調羹。」
老圃霜濃菜甲肥，瓦盆盛雪凍黎祁；一蔬一飯皆真味，移入官廚便不宜。」
牧兒生小住山家，冬學閒時樂事除；雪後不知溪路斷，倒騎牛背看梅花。」
雪路旁連板木谿，家家插竹補煙籬；山中不識魚蝦貴，伏弩寒林射果狸。」

路轉峯迴十八灣，兩山狹處水潺潺；旅人亦有還家夢，不出丹崖翠嶂間。
陰巖雪水下粼粼，馬汗如霜凍滿身；多少居民窮谷裏，不知人世有陽春。
露堠霜橋取次看，冰天袴褶不離鞍；何須更飲長城馬，才向人間說苦寒。

「註」蘆服 一名蘆荷 即蘿荷。

帶英 即帶 菜英

黎祁 豆腐也，陸游詩：「洗醜資黎祁」 自注「蜀人名豆腐曰黎祁。」

詠蘭

徐謙

香生九畹雨餘天，巖谷幽居獨自憐；何事西風懷解珮，美人君子自堪傳。

「註」九畹 離騷經：「余既滋蘭之九畹兮。」

詠桃李 福建高等法院內，有桃李園

童杭時

陽春烟景大文章，桃李穠英互鬥芳；散步閒遊明月夜，訟庭花落露凝香。

「註」陽春烟景 李白春夜宴桃李園序：「陽春召我以烟景，大块假我以文章。」

和童枕谿詠桃李

薩鎮冰

字鼎銘，福建閩侯人，肅威上將軍，曾任海軍總司令，海軍部長，內閣總理，福建省長，工詩文。

政清約法只三章，萬戶歡騰鬥衆芳；燕語鶯啼人意樂，看花不覺露凝香。

詠紅桃花早開

童杭時

灼灼桃花破臘開，陡看還道是紅梅；南方天氣冬溫暖，竟把陽春提早來。

〔註〕紅梅

福建高等法院內，本有紅梅，正盛開時，忽開紅桃，初看疑是紅梅。

和詠紅桃花早開

薩鎮冰

一枝穠艷未全開，破臘衝寒疑是梅；吐秀含英華灼灼，天天提早送春來。

〔註〕天天

詩經：「桃之天天，灼灼其華。」

其二

林鼎章

字西智，福建閩侯人，曾任大理院推事，最高法院庭長。

一紙瑤函盥手開，憑將鄉事問寒梅；好官美政能溫俗，爭道陽春有腳來。

頌童枕谿院長德政

陳保焯

福建閩侯人，曾任福建高等法院第二分院首席檢察官。

柏府勳名孰與京，能詩能政謝宣城；三年清澈冰壺玉，民隱堂簾蔽不成。

其二

陳保焯

干羽猶能格有苗，梗頑可化況輕佻；最難網好開三面，肺石風清匹古陶。

其三

張才斌

曾送旛旄出玉京，輶車南指稅榕城；布施已可維期月，今及三年告有成。

其四

彭養光

柏臺清讞頌官衙，詩賦無邪洵正葩；法雨滌清千里霧，仁風吹徧萬人家。

〔註〕柏臺清讞

漢武帝柏梁臺詩：「平理清讞決嫌疑。」

正葩

唐韓愈進學解：「詩正而葩。」

題張大千畫幅

徐謙

詩人自是好鄉居，安步何殊出有車。造化更堪驅使在，畫師一爲寫蘧廬。

宿也是園

楊杏佛

江都人，中央研究院副院長；工詩詞，人剛直，被人暗殺。

愧予身世逐浮萍，暫借名園作寓形。百感消除心若水，讀書聲裏一青燈。

秋風感懷

蔡元培

剛是炎炎天氣候，霎時天末又涼風；聽來西陸蟬聲唱，正與去秋一一同。

〔註〕西陸

司馬彪續漢書：「日行西陸謂之秋。」

題青芝老人山莊

青芝老人，國府林主席別號，山莊在福建連江百洞山，裝置皆農具，主席歸，余往訪，余往訪，題此詩贈。

童杭時

連理江頭百洞山，青芝香馥水潺湲；開軒門面對場圃，共話桑麻在此間。

「註」百洞山

岩洞極多，故稱爲百洞山。

話桑麻

孟浩然過故人莊詩：「開軒面場圃，把酒話桑麻。」

和枕谿同志題本山莊

林森

號子超，福建連江人，曾任參議院議長，國民政府主席。

葉綠花紅水色清，卜居田舍寄幽情。許由有塚行無似，拋去歷山竟輟耕。

祝周顯庭六十壽

二首。顯庭與杭時，少時從學徐烈士伯蓀先生於龍山書院，即同以光復漢家爲誓。

童杭時

當年從學在龍山，誓復漢家掃八蠻；剛是青春同社友，而今花甲已循環。
鴻案齊眉卜瑞昌，高車駟馬耀華堂；將門有子能跨竈，奏凱歸來獻壽觴。

「註」有子

顯庭之子周齒，任陸軍第四師師長，抗戰前敵，迭建戰功，凱旋回鄉，爲父祝壽。

跨竈

子能勝父，謂之跨灶。

哀國難

查田中奏摺，實有併吞全世界之計劃，不過發難先在中國，而中國今已遭國難矣。

童杭時

倭奴無厭慣稱兵，塗炭生靈罪匪輕，忍使劫灰飛亞陸，行將烽火遍寰瀛。

其二

吳奉璋

字伯階，浙江黃岩人，河北高等法院庭長，最高法院推事，工詩文，善篆書。

滿地烽煙起寇兵，國憂未減靖康輕；三軍將帥皆韓岳，痛飲行看到島瀛。

其三

劉德業

夜郎自大逞雄兵，忍壞輔車角重輕；屠我神州千里赤；巢林春燕恨東瀛。

誕辰感懷

劉春霖

字潤琴，河北人，甲辰狀元，曾任總統府顧問，代表黎總統赴曲阜祭孔。

第一人中最後人，而今四海賸孤身；紅塵歷盡百千劫，傷感我生太不辰。

贈陳雄夫監察使

監察
閩浙

童杭時

監觀不爽似神明，察暴安良必得情；閩海蒼生蒙幸福，浙中父老頌賢聲。

王部長之夫人陳太君逝世十週紀念

司法部長王用賓之子昉
爲母逝世十週紀念徵詩

童杭時

遙望峒原涑水涯，歸甯父母夙停車；而今阡表懷先德，應譜笙詩奏白華。

王母之墓，在峒原涑水之間，
卽生前歸寧父母時停車處。

一生勤儉若齊姜，婦職能修名素揚；黨禍忽遭翁禁錮，雞豚無缺必先嘗。

王母一生勤儉，厥翁因黨禍被逮，
會以雞豚供奉，人多稱其賢孝。

賴有賢荆得遠遊，家庭內顧可無憂；賦詩回憶斷絃日，寒暑循環已十周。

王部長當初東瀛遊學時，
家務都由陳夫人管理。

教子成名賴母賢，槐堂棣萼頌輝聯；常昭懿訓同鄒孟，難弟難兄美兩全。

王部長二子，
均已學優登仕。

賀姚君守平與龍女士君南結婚

童杭時

館甥爾室樂堯天，
鰲降徵祥述祖先；
歧伯術精生理學，
炎黃世胄萬斯年。
姚君虞舜之後，
習岐黃醫術。

董父原來是舜臣，
參龍爲氏敘彝倫；
誰云養子未曾學，
卿却身爲助產人。
龍女士董父之後，
助產學校畢業。

石堡寨

明女將秦良玉遺寨，
在四川忠州。

鄒魯

巍然一寨峙中流，
却寇當年保一州；
奇水奇山奇女子，
男兒幾個不低頭。

『註』巍然 高大貌，論語「巍巍乎其有成功也，煥乎其有文章。」註：「其功業文章，巍然煥然。」

武侯祠

昭烈廟，在奉節，在成都者係武侯祠。

鄒魯

門額大書昭烈廟，世人都道武侯祠；由來名位輸勳業，丞相功高百代思。

論汪精衛二首

薩鎮冰

平生利欲太薰心，誤認神州卽陸沈；失足竟成千古恨，天涯何處覓知音。
寇深何事主和平，救國焉能不用兵。與虎謀皮庸有益，書生聲價枉犧牲。

霞飛閣寄懷

鄧青陽

廣東，追隨國父革命，辦理黨務，曾任中央黨部委員。

偶一游春到普陀，懸崖有閣自嵯峨；目中已覺雲山遠，心比雲山遠更多。

遊杭州西湖

江庸

字逸雲，福建長汀人，曾任司法部總長，參政院參政。

消受春波槩一枝，好風吹柳碧參差；夕陽忽下孤山路，一角湖亭露酒旂。

後園晚步

陳三立

隱隱砧聲落葉聲，晚風牆角自淒清；
閒吟剛在啼鳥外，銜去江城一片晴。
不勒燕然石上銘，誰教坐廢草玄亭；
相逢他日應相訝，愁結雙髭又幾星。

偶興

吳俊卿

字昌碩，浙江安吉人，善篆工詩，曾任安東縣長，著有缶盦詩行世。

石頭奇似虎當關，破樹枯藤絕壑攀；
昨夜夢中馳鐵馬，竟憑畫手奪天山。

莫斯科雜詩二首

于右任

金角港前暮雨霏，貝加湖畔白雲飛。
行行萬有八千里，排隊列甯墓上歸。
國際歌聲響徹空，深林日射大旗紅。
工人學者皆休息，半給前皇避暑宮。

詠三原斗口巷老屋

于右任

堂後古槐更着花，堂前風靜樹陰斜；三間老屋今猶昔，愧對流亡說破家。

漢口洪水有感

許世英

牀下魚兒帳下蛙，階前艇子室中車。那堪草舍沈淪盡，不見流亡不見家。

泛舟玄武湖

張昭漢

字默君，曾任上海神州女校，江蘇省立女師範校長，考試院考選委員會委員。

波光嵐影碧迢迢，新月隨人過野橋。未落芙蓉如有待，詩情畫景兩魂銷。

題廣東文物展覽特刊

徐謙

五胡北擾中原日，文物南遷典午時；歷史從何尋起訖，風詩正韻覓蛛絲。

【註】五胡

異族侵擾中國，舊稱五胡亂華。

賀俞畏三韓亦凡伉儷產子 三首

童杭時

長途聞浙返珂鄉，正遇敵機轟炸狂；差幸未經遭不到，鶯遷滬瀆產賢郎。

俞君與韓女士，自閩返浙蕭山故鄉，正遇敵機轟炸，乃遷滬寓，不久生一男子甚喜，聊慰客愁。」

復興事業在麟兒，勾踐貽謀首在茲；蓬矢桑弧符夙願，高張遐舉大英奇。
親朋聞道泣嗶嗶，鵲躍前來慶弄璋；麟趾螽斯宜爾室，王槐竇桂頌聯芳。

「註」泣嗶嗶

詩經：「乃生男子，載弄之璋，其泣嗶嗶。」

贈陳步高別

步高廣東人，新華銀行經理，與余九龍鄰居，告別赴滬。

童杭時

別夢依依到五更，暫時分手也魂驚；德鄰遠去彌惆悵，差幸行旌卽返程。
相逢萍水一年餘，慰誨慇懃問謫居；枉駕敝廬蒙不棄，劇欣下榻有徐孺。
好人德配好妻帑，宜室宜家信不誣；內助得賢眞幸福，可無掛慮慰征途。
長途康健力加餐，日晷還須顧夜寒；忝我贈行無別物，惟憑傳語祝平安。

「註」惆悵

惆音抽，陶淵明歸去來辭：「奚惆悵而獨悲。」

徐孺

洪州高士也，王勃滕王閣序：「徐孺下陳蕃之榻。」

遷居九龍山林道

童杭時

莫論城市和山林，等是隱居避世心；樂志賦詩懷與葛，不追既往諫來今。

『註』懷與葛

陶淵明五柳先生傳：「銜觴賦詩，以樂其志，無懷氏之民與？葛天氏之民與？」

和枕谿先生遷居山林道 步原韻

林超塵

鶯遷喬木入山林，枕月臥松見素心；回首當年棠澤沛，閩民受賜到於今。

枕谿前任福建高等法院院長，紳商學各界，聯名送「德被八閩」匾，並在該院園中建一亭，國府林主席返閩，題其亭為「棠蔭亭」。

贈月笙先生

月笙姓杜名鏞，振務委員會常務委員，紅十會董事，江蘇人。

張震西

江蘇省，南通人。

食客三千天下士，等閒盡散廩中糧；歲寒勁節知松柏，異域欣然遇孟嘗。

贈李主席漢魂

梁寒操

廣東人，中國國民黨中央執行委員，中華民國立法院祕書長。

羅王砦與南潯路，曾挫妖氛活國魂；今日粉榆勞聚訓，蒼生顛望屬將軍。

贈張長官發奎

梁寒操

戰蹟猶傳汀泗橋，鐵軍無敵號天驕；沙場百戰身還在，又向江頭射鬼潮。

「註」射鬼潮

五代時，吳越錢尙父，張弓弩，候潮至，射之，潮漸退。蘇軾詩：「三千強弩射潮低。」遼時，凡出師祭告，以人爲犧牲，亂矢射之，名曰射鬼箭，以拔不祥。

贈余副長官漢謀

梁寒操

握火抱冰成大器，沉潛寬厚更高明；東夷詎易吞南服，嶺嶠熒熒有將星。

贈林師長廷華

梁寒操

破虜北回銀盞均，看花來日素馨斜；今宵濁酒休辭醉，依舊河山屬漢家。

贈李伯豪主席

李伯豪名漢魂，廣東省政府主席，初戊寅九江之役，日陸海並進，勢至凶悍，伯豪將軍師次潯陽，大破之，嗣廣惠失陷，奉命回師救粵，主粵政，恢復惠州及各重要據點，粵轉危爲安。

楊 圻

字雲史，江蘇人。

嶺南節度靖胡塵，萬馬中原百戰身；省識回師根本計，心兵用急妙如神。
胡虜長驅復遁逃，將軍破敵楛江皋；同時並捷田家鎮，湘鄂奇功兩岸高。
見說祭遵羊叔子，雍容裘帶誦書詩；眼中名將眞名士，儒雅風流亦我師。
柴桑水碧捷旗紅，敷淺原山萬騎風；當日爲君浮大白，自憐報世愛英雄。
安危有計慰蒼生，況是天南子弟兵；佇看收京兵洗馬，凌煙添個李西平。

〔註〕祭遵

東漢潁陽人，光武拜爲征虜將軍，雅好儒術，在軍不忘俎豆。

羊叔子

三國時，南城人，姓羊名祐，字叔子，督鎮襄陽，輕裘緩帶。

次童營甫院長詠桃李屬韻

陳庸公

嵇懶於今未上章，過門高蹈祇餘芳；年來共作論文契，回誦翰音夢也香。

送家父返杭 四首

童翌初

日暖風和氣更清，長征此日趁春晴，朝陽曉靄蒼茫裏，俯仰烟波無限程。
碧海行舟翻白浪，蒼濤映日泛金波，眼中風物易經過，觸目行旌感慨多。
跋涉千川又萬山，而今歸隱得真閒，桃花依舊春風笑，寄語歡迎此老還。
桃源小隱樂陶然，雞犬桑麻別有天，西子湖濱風景好，垂楊掩映夕陽邊。

次許公武祝于髯公生日元韻

王用賓 半隱

可堪哀樂記中年，賸以詩名當世傳。鞞鼓霓裳驚破後，少陵無奈入西川。

書張默君正氣呼天詩卷後 四首

王用賓

正氣人間渺不存，沛然流露出闔門；卷中滿砌傷心語，只恐呼天天亦昏。
荒江老屋短檠前，哀憤嘸成十二篇；字字斑斕皆血史，鐵函合付後人傳。
寫文真令祭明誠，善哭猶堪墮百城；其事其詩兩悽絕，邵雲千載死如生。
憂心漆室嘆園葵，慨念宗周有緯釐；又見西臺女皋羽，江山何處著鬚眉。

去思

閩高法院童枕谿院長，
卸任而去，閩耆老感念。

林贊烈

福建閩侯耆紳，
時年八十有二歲。

矍鑠精神似壯年，恩威並濟德無邊；不辭勤苦兼清慎，棠蔭常留紹昔賢。

輓徐季龍先生

四首

童杭時

讀書讀律裕經猷，學貫中西孰與侔；護法南來隨國父，獻身革命運盡籌。
「嬌美臥龍瘁厥躬，馳驅黨國矢公忠；耆齡碩學人皆仰，惜未及身見大同。」
「南天重話舊桑麻，道故班荆感物華；誰料溘然成永訣，追思那不令人嗟。」
「法曹先進竟仙遊，過隙駒光慨不留；濟難育才成往事，典型頓失淚橫流。」

戰場佳話

張麗妹女士，籍隸東北，服務于行都某機關，台兒莊大捷時，女士隨某慰勞團，親往視察，因得晤賈將軍於最前綫，傾談之餘，大有相見恨晚之概，其奈天不假緣，將軍因使君有婦，當明以告，而女士仍戀戀也。嗣後女士又自渝來湘，與將軍聚首，舊事重提，一再表示，君雖有婦，妾仍願奉箕帚，然為彼此未來幸福計，終未之允，作此詩以謝絕之。

賈異之

賈將軍異之，青年黨監察委員，率軍抗戰，迭奏奇功。

雖云奇遇愧無緣，恨不相逢未娶前；枉自癡情應笑我，一腔心事付青烟。
重逢今後更何期，惆悵山城話別時；最是傷心回首處，斷腸惟有淚痕知。

贈民初世兄

姓董，字學生，浙江人，修業香港南華大學，時教育部令港校遷內地。

陳庸公

安危須仗出羣才，兩浙人文此日胎；擊楫中原猶待汝，家邦如歲望歸來。

抗戰勝利

童杭時

運籌帷幄用兵奇，決勝已臨最後時，佇看降軍盈百萬，多方妙算退雄師。

歸隱西湖

姜卿雲

烽烟掃盡返征車，西子湖頭是我家。留得故園多少地，栽桑種竹讀南華。

七十漫述 二首

居正

檀板西來歲不居，星霜歷歷七旬餘。倔強何敢云猶昔，補過時還讀我書。
飽經憂患鬢毛皤，壯不如人老奈何。大亂削平邦族復，乞骸辟穀考槃阿。

贈余綏靖主任漢謀

童杭時

誓掃倭奴不顧身，八年抗戰大功成。由余華胄真名將，興復漢家謀慮深。

贈姜督察專員卿雲

童杭時

專員榮任到衢州，戎馬書生敷政優，尙父勳猷綿世澤，弦歌聲徹五雲樓。

『註』世澤

姜專員，係姜子牙之後裔。

五雲

姜專員著有五雲樓詩草。

登西湖望湖樓感懷 二首

顧鼎梅

名燮光，紹興人，博學多聞，工詩善畫，並爲金石專家，著有兩浙金石別錄，譯書經眼錄等書多種。

喜見銀河洗甲兵，湖山無恙覩昇平，天心畢竟眞仁愛，綠樹扶疏繞畫城。
檢點琴書喜欲狂，故園三徑未全荒，叢殘舊稿容收拾，且向湖樓醉百觴。

中華民國詩三百首附卷

附卷 詞目錄

浪淘沙

眼兒媚

滿江紅 反侵略歌

水調歌頭 海行

臨江仙 傷感

一萼梅 感懷

鷓鴣天 自秦航空返蜀

菩薩蠻 勸募寒衣

鷓鴣天 贈柳亞子先生

月圓圓 感懷

八聲甘州 晚秋

八聲甘州 初冬

中華民國詩三百首

附卷

詞目錄

關河令 冬山

折紅梅

浣溪沙 四首

祝英台近

洞仙歌 中秋無月

貂裘換酒 重陽無菊

滿江紅 輓徐季龍先生

相見歡 結婚

滿江紅 迎浙省政府還治

越調天淨紗 題張默君白華草堂詩稿

中華樂府 祝抗戰勝利

蔣主席六秩壽頌詞

中華民國詩三百首跋

一三九

王用賓

王用賓

趙文漪

章士釗

王用賓

王用賓

張知本

童杭時

童杭時

于右任

于右任

童杭時

中華學術研究會

中華民國詩三百首附卷

附卷 詞

浪淘沙

于右任

形勝望中收。故國神遊。纖兒一逝潰齊州。如此雄關難坐守，豎子無謀。飛鳥再來投。寤寐恩仇。明知不返也難留。天降繁霜人雪涕，白盡烏頭。

眼兒媚

于右任

衰時容易盛時難。獨自淚沆瀾。黍離殿閣，劫灰文物，殘霸河山。無情道路多情夢，夢裏越重關。今宵洛浦，明朝盤豆，後日長安。

滿江紅

反侵略歌

蔡元培

公理昭彰，戰勝強權在今日，原不問領土大小，軍容羸拙，文化同肩維護任，武裝合組抵抗術，把野心軍閥盡排除，齊努力。我中華，泱泱國，愛和平，殲暴敵，兩年來博得同情洋溢，獨立甯辭經百戰，衆擎無愧參全責，與友邦共奏凱旋歌，顯成績。

水調歌頭海行

徐謙

微風醒宿酒，朗月送行舟，極目海天寥廓，泛宅脫羈囚，白浪瀾翻如雪，片帆上下一葉，去住任波流，清夜更聞樂，起舞未應休。往來客，今古恨，爲誰留，不須回首，人生禁得幾番愁，痛惜山河破碎，積我胸中孤憤，誓與補金甌，寂寞凭欄處，何自遣離憂。

臨江仙

何女士逝世周年傷感

童杭時

狼虎既窺堂奧，鷓鴣莫念恩勤，秋風秋雨正愁人，痛心傷肺腑，厭世到釵裙。屈子行吟澤畔，賈生流涕湘濱，古今缺憾正紛紛，一年常寂寂，百感孔殷殷。

一萼梅

王陸一

向瀟湘聽淒淒夜雨，消息楚雲迷。山靜苗疆，人親漢臘，來認當日藩籬。漸京邑蒼茫浪捲，更念那江左百重隄。潤碧谿山，亂紅城郭，都襯狂蹄。纔是柳新板渚，又飄風萬戶，屯其相離。傳野旌旗，臨春鼓角，行趁芳草雄奇。便扶起中原紅萼，倩珍重還與好風俱。定有笛吹遠浦，聲聞邦畿。

鷓鴣天

自秦航空返蜀

于右任

憑倚高風且覺遲，身懸萬仞一凝思。山如列國爭雄長，雲似孤兒遇亂離。秦嶺峻，蜀山奇。西南著我此何時。相隨更是金天雨，洗盡人間會有期。

菩薩蠻

勸募寒衣

蔡語邨

中原十月紛飛雪，罡風墜指柔肌裂。禦敵賴寒衣，輸將莫可遲。三軍齊挾纊，熱血誰能抗，前進向東倭，歸來奏凱歌。

鷓鴣天

贈柳亞子先生

宋訓倫

但冀同心復國仇，丈夫何必定封侯，劍南詩卷所南史，風格儒林第一流。且把盞，洗沉憂，新亭涕淚更須收，元戎已定平倭策，佇看王師會石頭。

月圓圓

感懷

黃炎培

恨綿綿，淚漣漣，泥足的敵人在國門前，越戰越強的戰士，在戰壕邊，且等我河山光復，卸却仔肩，來伴你窈窕黃泉，交頸長眠。

八聲甘州

晚秋

童翌初

倚危欄，感物換星移，幾番眺歸舟，有斜陽千里，寒江落雁，無限新愁。

暮靄遠連秋水，看點點鷺鷥，獨自聞風雨，遙望西樓。凝睇水天一色，
眉眼盈盈處，時已深秋，念清風明月，往事空悠悠。晚霞紅，綠波依舊，
數重山，觸目只堪憂，關塞外，故城猶在，熱淚橫流。

八聲甘州 初冬

童翌初

葉飄飄，覺雁冷鷗寒，屆時又初冬，更霜風西捲，山林零落，片片飛紅。
幾朵殘花照眼，落日映雲峯；寂寂愁人處，萬籟空濛。莫把危欄頻倚，
一世長爲客，分聚匆匆，看庭前枝老，猶是舊花叢。數年來，風流何在，
思故人，心事幾重重；凝望處，江楓漁火，陣陣歸鴻。

關河令 冬山

王用賓

歲云將暮日色暝。乍覺風淒冷。木瘦山陵，詩中添畫境。丹楓黃棟掩映
。點綴就寒林清景。野趣橫生，教人愁夜永。

折紅梅

王用賓

正東風吹動，細鬚脫綻，珠蕾皴裂。君休折。照溪萬樹珊瑚，影鮮於血。
碎紅妖冶，却不似孤山烟月。者般冷豔，縱自風流，與繁杏穠桃，又何分

別。冰魂玉骨。想萼綠仙人，格標清絕。毫未倚纖情媚態，換取俗塵容
悅。霓裳絳袂。只合做花神臣妾。用趙師雄羅浮遇素妝美人事冷香堆裏，閑步沉吟，殊令人
長憶，孝陵晴雪。

浣溪沙 四首

趙文漪

水閣竹簾夢早秋。半遮嬌面捧觥籌。雙星欲別暫依留。
宛轉新鶯破上林。陽和天氣值千金。青眉如豆柳成陰。
醉淺漫留紅杏靨。愁多爭奈紫台心。更無消息又春深。
莫說澆愁借酒杯。斜陽燈火舊池台。江南春夢去難回。

祝英台近

章士釗

理冰絃，調玉桂，繡箔映珠戶。往事思量，脈脈黯無語。那堪三月櫻花，
南朝紫陌，怎都被啼鶻催去。與君訴。但覺怨慕哀思。別來負情懷，怕倚
欄干，清淚猛如許。爲誰收拾繁華，風吹潮捲，賸蕭瑟江關詞賦。

洞仙歌 中秋無月

王用賓

殘荷倦柳，恨秋光無趣。安頓蘭臺衆星聚。聽岩華撲案，嶺月扶樽，却不

道搖曳一天雲務。團園惟此夜，怨煞嬌娥，甚事簾櫳暗遮住。牽翠幕，
檣青冥，借斧吳剛，眞欲斫廣寒宮宇。且慢醉，留傾菊花杯，怕不定重陽
，更多風雨。

貂裘換酒 重陽無菊

王用賓

近日多風雨。更巴山荒苔亂石，葉喧如訴。爛漫秋容看不慣，况是漂零舊
旅。攜客向東籬凝佇。不道霜遲花未綻，算淵明枉作柴桑主。空對酒，但
呼負。菊花落後無花序。肯怱怱輕拋晚節，不留香住。合殿羣芳稱後勁
，怎惜揉煙抱霧。君莫怪重陽可補。璀璨黃花鋪地日，再登臨縉嶺雲尖處
。天一色，萬山俯。

滿江紅 輓徐季龍先生

張知本

名重儒林，更懷抱縱橫奇策；思曩日奔馳黨國，心殫力竭；化被春風多士
選，望崇秋署羣情悅；最難忘江上共鱸堂，欽圭臬。櫻寇患，背應裂，
強國力，情尤熱，痛干戈滿地，金甌猶缺；息影海隅縈遠念，騎鯨天上驚
長別，歎老成耆宿漸凋零，添悲咽。

相見歡結婚

童杭時

桃花灼灼香紅。室家中。宜其葉蔡實蕢，笑春風。既君子，亦淑女，思無窮。琴瑟韻諧鐘鼓，樂融融。

滿江紅迎浙省政府還治

童杭時

退保浙東，已幾閱風霜雨雪。誓必以臥薪嘗胆，將倭奴滅。八載馳驅塵與土，經年道路雲和月。念長官勞苦並功高，欽崇切。美雨急，歐風烈。神戶毀，長崎裂。駕飛機戰艦，犁庭掃穴。無上天驕降心服，空前勝利運籌決。遂收回大好舊湖山，民心悅。

越調天淨紗題張默君白華草堂詩稿

于右任

風風雨雨京華。明明晦晦天涯。苦苦辛辛作者，至公堂下，猶餘幾卷簪花。猶餘幾卷簪花。晦明風雨興嗟。玉尺樓前舊話，風流如昨，哀吟響遍中華。哀吟響遍中華。草堂似有雲遮。展卷悽涼天馬，國殤歌罷，合稱忠孝名家。

中華樂府祝抗戰勝利 十首

于右任

一、萬家爆竹通宵，人類祥光乍曉，百壺且試開懷抱，鏡裏影翁漸老。
二、金剛山上雲埋，鴨綠江心浪擺，盧溝月暗長城墨，胡馬嘶風數載。
三、黃河水繞邊牆，白帝雲封繡壤，萬靈効命全民向，大任開來繼往。
四、區區海峽波警，瀑莽喇場月冷，興亡轉瞬歸天命，不作降王繫頸。
五、誰彈捷克哀歌，誰縱波蘭戰火，諸姬盡監巴黎破，兩面鑿兵曰可。
六、歐洲守望何人，羣衆哀號隱隱，海洋巨怪從今盡，惡日之歌笑引。
七、當年兵昉流離，口渴誰來送水，漁人晒網樵夫睡，都是離宮廢壘。
八、高原未責天寬，故國風和日暖，等恣寺下歌聲斷，常使英雄淚滿。
九、至誠不外無私，真理方知有始，愛覆城中逢天使，大道之行在此。
十、自由成長如何，大戰方收戰果，中華民族爭相賀，王道干城是荷。

蔣主席六秩壽頌詞

童杭時

蔣公當國，已閱廿年。武功赫濯，文德敷宣。安良除暴，用人維賢，率師北伐，丕振民權。南都定鼎，國父薪傳，矢勤矢勇，忠信兼全。革新生活，禮義恥廉，交通發達，國道平平。振興教育，大學聯肩，長期抗戰，勝

利空前。外交有道，團結國聯，普及農墾，策畫殖邊。年符花甲，人壽月圓，同聲慶祝，萬眾歡天。

跋

中華民國詩三百首，係民國廿八年春，由蔡子民徐季龍馮自由陳庸公諸先生，在香港發起，研究編輯，原為抗戰宣傳而作，但既欲集民國紀元來全國名流之詩詞，精加編選，以餉後學，並就正於海內賢達，則又未便限於抗戰之作，於是多方搜集，蔚成鉅製，不料編纂未竣，而蔡徐二老，先後逝世，同與其事諸詩學社友，彙踵其成，即呈

國民政府審核，由林主席題簽，付之剞劂，初版一出，甫期月而爭購一空，已五載於茲矣，本會研究此詩，確認為最高名流傑作，係民國詩刊中不可多得之出品，爰續選當代賢豪近作，殿於後方，再行出版，以供獻於同胞諷詠云爾。

中華民國三十五年國慶日

中華學術研究會跋

正 誤 表

中華民國詩三百首

正誤表

三	二	一	一	九	九	八	七	七	六	五	五	五	面	
三	〇	八	五	九	九	八	七	七	六	五	五	五	面	
三	九	七	十三	十三	三	二	十一	三	二	十三	六	五	二	行
場	迹	一九	週	則	因	視	古	鳴	山石	其	悲鳴	遙	以測	誤

觴	邊	一九萬	週	卽	固	祀	世	鳴	石山	有	鳴悲	透	測推	正
---	---	-----	---	---	---	---	---	---	----	---	----	---	----	---

四	四	四	四	四	四	四	四	四	三	二	二	二	面	
八	七	七	六	五	四	四	二	一	三	六	六	四	面	
九	十一	四	六	十	一	五	五	一	五	十四	五	七	二	行

多	旅	御	鳥	鳴	上	厭	台	米	忽	客	忌	二	殃	誤
一	委						高							
字	旋	銜	鳥	鳴	下	歷	高	木	忽	容	忘	三	殆	正
							台							

一	一	一	五	五	五	五	五	五	五	五	五	五	四	面
三	三	〇	九	九	八	六	五	五	五	四	二	二	〇	九
五	一	五												

三	一	十一	十	六	八	一	八	六	三	九	八	三	二	五	行
行	到	詳	寓	夢	渡	誼	敷	助	傳	諸	士	誰	否	園	誤

邊	測	詩	居	夜	波	誼	敷	普	傳	諸	士	美	吾	園	正
										賢					
										應					
										在					
										三					
										十					
										上					

一四九

中華民國詩三百首

正誤表

一五〇

715
4/471

704

12
14
18
19